

金匱要略方論本義

胸滿寒疝宿食病脉證治第十

論一首 方十
脉證十六條 二首

跌陽脉微弦。法當腹滿。不滿者。必便難。兩胠疼痛。此虛寒從下上也。當以溫藥服之。

按腹滿者。氣病也。內經載黃帝曰。夫氣之令人脹也。在于血脉之中耶。臟腑之內乎。岐伯曰。三者皆存焉。然非脹之舍也。黃帝曰。願聞脹之舍。岐伯曰。夫脹者。皆在于臟腑之外。排臟腑而郭胃腸。脹皮膚。故命曰脹。觀乎經文。知脹爲氣病。凡胸脹腹裏。雖各有畔界。要皆可以致逆成患矣。排者排擠之。使臟腑若無所容也。郭者充實之。以胸脇爲郭郭也。經之形容邪氣橫塞于腹裏。乘其空虛。盤踞之情狀。顯然也。然果何以致此乎。內經又載黃帝曰。脹者焉生。何因而有。岐伯曰。衛氣之在身也。常然並脉循分肉。行有逆順。陰陽相隨。乃得天和。五臟更始。四時循序。五穀乃化。然厥氣在下。營衛留止。寒氣逆上。直邪相攻。兩氣相搏。乃

病難已而病
氣則聚聚之
久而大病成
矣

合爲脹也。然則脹者，氣逆也。氣逆者，爲厥。氣在下也。氣逆者，寒氣也。寒氣逆上，與正氣相攻，搏而後失其榮衛，循行之常度，斯橫暴泛溢而爲脹滿也。此腹滿之所由來也。然內經何以言五臟六腑皆有脹？岐伯曰：心脹者，煩心短氣，卧不安；肺脹者，善噦，四肢煩悒，肝脹者，脇下滿而痛，引小腹；脾脹者，善噦，四肢煩悒，體重不能勝衣，卧不安；腎脹者，腹滿，引背，央央然，腰髀痛；六腑脹，胃脹者，腹滿，胃脘痛，鼻聞焦臭，妨于食，大便難；大腸脹者，腸鳴而痛，濯濯；冬，口重，感于寒，則飧泄不化；小腸脹者，少腹臌脹，引腰而痛，勝𦞦脹者，少腹滿而氣隆；三焦脹者，氣滿于皮膚中，輕輕然而不堅，臍脹者，脇下痛，脹，口中苦，善太息，是又五臟六腑皆可病脹，而脹病果何以定其歸着耶？內經復爲明其歸着，岐伯曰：此飲食不節，故時有病也。雖然，其病將已時，故當病氣聚于腹也。觀此知脹病必責在脾胃，此一臟一腑，實爲五臟六腑之病源，不可不于此加意。未病者，善節飲食；已病者，善調脾胃。斯治脹病之要訣也。仲景所以論脹病，首辨之于跌陽脈，跌陽

手足陽明胃脈也。胃陽盛旺，則營衛條暢，流行無滯。而太陰之脾亦必相附，而兼盡表裏體用之道。一輪一運，周身內外無不充達。何有于厥氣在下，寒氣逆上，而爲脹乎？惟診之而跌陽脈微，且弦，此所以法當腹滿也。陽微則氣不足，氣不足則行而多阻。此脹之本也。兼見弦脈，弦則緊也。緊則寒氣逆上之徵也。胃陽既弱，則下陰漸起，再內而命門火衰，外而寒濕邪乘，而弦緊寒脈見于跌陽陽明之部，其陽弱而陰強可知矣。此所以厥逆之氣伏而在下，而陰寒之氣逆而僭上，爲脹爲滿，見于腹裏，排擠臟腑，邪郭胸脇，正氣隆閉，邪氣瀰漫，滋甚也。仲景所以明其法當腹滿，無非以理決之耳。然又有腹雖不甚滿，而便難者，則內經所謂胃張者，妨于食，大便難也。食既妨入，便自艱出，上下不宜通之象也。甚且氣化不行，而小便亦難。有難者，仲景不啻言大便而言便難，省文也。二便艱難，兩胕必疼痛，此正脹病之真情狀也。時醫或見其脹滿多認爲實，而惟以快利之藥下之爲當矣。不知正有說焉，仍以內經明之。內經云：凡此諸脹者，其道

在一。明知順逆。鍼數不失。瀉虛補實。神去其室。致邪失真。真不可定。蠱之所敗。謂之天命。補虛瀉實。神歸其室。久塞其空。謂之良工。是脹病雖不一。而治法維一。一者爲何。明其虛實而已。實者邪實。而或兼于熱。虛者正虛。而必本于寒。况脹滿之原。原于厥陰之氣。自下而上。未有不寒。不虛。而能成脹者。也。縱有實熱之標。終不離虛寒之本。顧可悞認爲實。爲熱。而混理之乎。仲景必明爲指示之曰。此虛寒從下上也。常以溫藥服之。非明乎虛實之義。而以神去真亡。粗工敗事。爲深戒者。烏能言簡而意該如此乎。言用溫藥。溫其寒也。而補之。實不必再言矣。所謂久塞其空。謂之良工者乎。非仲景何人足勝任愉快也乎。

病者腹滿。按之不痛爲虛。痛者爲實。可下之。舌黃未下者。下之。黃自去。

按仲景遂就外證而辨其虛實寒熱。爲脹不同。如病者腹滿。按之不痛爲虛。痛者爲實。蓋徒爲無形之虛氣。

作痛則按之無物。何痛之有。倘挾有形之實物爲患。如宿食在胃。疝氣在小腹等是也。按之有物。阻碍于臍臍之側焉。有不痛者乎。此于按之痛否以決其虛實之法也。然虛因正氣虛也。實亦邪氣實也。虛者固不可下矣。實者卽遽可下乎。蓋實邪之中。亦有寒熱。惟既實而復熱。方有可下之道。如但屬寒。則無論爲虛爲實。俱無可下之理也。又于何辨之。仲景辨之于舌。舌白爲寒。舌黃爲熱。腹滿而舌黃。知其人邪實而熱盛矣。在可下之例者也。更必問其曾經下否。如已經攻下。尙當斟酌。必舌黃而未下者。乃可下之也。下之所以去其熱也。而黃因熱結。熱滌而黃自除。氣自消。脹自愈矣。此治實邪挾熱之腹滿諸法中。易爲力者也。

腹滿時減。復如故。此爲寒。當與溫藥。

④再或其人腹滿。或服下藥。或服補藥。有時減退。未幾旋腹滿如故者。則不可作實與熱之治也。仲景明此。

爲寒見裏寒總無下法。惟有溫藥與服。虛者以溫中
補氣爲義。實者亦以溫中行氣爲義。乃治氣寒腹滿
第一善法也。仲景特
爲標出。婆心切哉。

病者痿黃躁而不渴。胸中寒實而利不止者死。

按脹病之虛實寒熱。既有以辨之矣。然又有虛而似實
寒而似熱者。尤不可不審也。如病腹脹滿者。身體痿
而肉色黃。有似乎瘀熱在裏之發黃也。兼以燥煩不
渴。又似熱盛于上也。不知于痿于不渴。即可辨其虛
寒之甚矣。痿者氣散而陽衰也。不渴者寒凝而陰燥
也。此胸中寒氣充塞。欲成無陽陰獨之證。故見不渴
不發熱而燥煩之證。明是傷寒論中陰躁之危機矣。
此時急爲回陽補中。尚可援救于萬一。若再兼下利
不止。則陽絕于上。陰亦脫于下矣。此必死之徵也。可
不慎歟。此又辨虛實寒熱于真假之間。至微者也。

寸口脈弦者。卽脇下拘急而痛。其人齶齶惡寒也。

按此條乃寒
中于表陽而
其惡人以
中寒二字誤
記在于寒
故中景示以

按但脹滿之病又不盡因內起厥寒之氣于下也亦有
外因寒濕之邪湊合為患者亦必于脈證間辨之如
診之其人寸口脈弦者知其脇下即有拘急而痛之
證何以言之弦即緊也緊即寒邪也于寸口上部之
脈見弦知有外感之寒襲人而與腹裏平素厥寒之
氣相雜為患也所以不待關部見弦而脇下已拘急
作痛蓋表裏寒邪相固互而其人之陽虛氣弱不待
言矣再諦之其人必齋齋惡寒寒在表故惡寒寒在
裏故脇下拘急而痛此又脹滿病之另一因也又
不可不合表裏而辨其脈證方能兼理之不悞也

夫中寒家喜欠其人清涕出發熱色和者善嚏

按再為明其表裏之寒寒中于表則謂之中寒家可也
于何辨其證仲景為明示之曰夫中寒家喜欠其人
清涕出發熱色和者善嚏是也寒邪鬱于皮膚則營
血滯而衛氣阻精神必倦怠筋骨必拘急所以喜欠
也肺主皮毛皮毛受寒肺為之合外寒鬱者內熱必
生其人所以清涕出而發熱也若但為外感之寒其

辨法曰夫中寒者善欠呀主欠欠氣相引也陽道不舒故喜欠以泄之
涕清不潤寒生清也肺合皮毛故知其寒中于表
發熱喜噦者經云肺氣通乎肅氣通天為陰束而發雷電也

內無病故色和且寒鬱于肺熱生于裏有時發洩自鼻作聲故善噦此諸證俱為外感寒邪者言也外感寒邪于張滿病何與以脹滿病其中亦有內外合邪者故必明辨乎外中寒之證所以為內中寒之應也不然在傷寒論中太陽寒傷營已論之詳何乃復見于此乎

中寒其人下利以裏虛也欲噦不能此人肚中寒一云

按若夫腹裏有寒乃脹滿之根也直謂之中寒而已矣中寒豈一朝一夕之故其人胃陽失治脾土之令不行轉運不能給陰陽不能分下利所以為常也其裏之虛寒可知矣即兼有外邪如前條欲作噦以宣陽氣而陰寒內甚陽氣微弱欲振振于羣陰而稍見聲響亦不能也如周赧漢獻久削權勢雖欲虛作一令號召豈可得乎此以知其人肚腹寒邪積之有素斯與外感之寒互相膠結勢不可破根不可拔即欲剪除羣雄而王室已不可復興惟
有正邪兩敵而已可勝惜乎

經云臍上屬心
臍下屬腎
臍至臍肝脾
古屬肺宮
屬脾故脾病
痛者脾病而
穀氣下行
也

此衝動者即
類奔豚也

夫瘦人繞臍痛必有風冷穀氣不行而反下之其氣必衝不衝者心下則痞

臍脹病寒邪既合內外為辨矣。痞必合上下為辨。臍以上腹也。臍以下少腹也。腹滿之寒氣自下逆上。未有不根于少腹者。故胃陽弱則責在腹。腎陽弱則又責在少腹矣。如瘦人繞臍痛者。此虛寒從下而上之明據也。瘦人血虛多熱。本不易致寒冷之氣。下積然瘦人肌肉單薄。風冷之寒氣易于侵襲而入。今繞臍見痛。必有風冷之邪乘之。而穀氣乃不行也。穀氣胃氣胃陽若旺。何至為風冷迫處。其氣不行。腎陽若旺。何至為風冷襲入。舍而不去。則其人陽虛氣弱。寒邪不惟合內外交侵。且欲聯上下為一體矣。溫藥服之。尚恐遲悞。況反下之乎。下之而陰寒之凝聚于下者。必更衝動而逆上經。所謂厥氣在下。寒氣逆上也。即有不衝者。亦必寒藥復結寒于心下作痞矣。在下繞臍。既有風冷之寒在上心間。復有作痞之寒。一身上下。

皆陰寒踞處陽令正氣全不能宣布流通矣焉得不
張滿乎焉得不下墜而為寒疝停留而有宿食哉總
由少陰陽明二陽衰弱故諸陰駸盛也主治者可不
以扶陽抑陰為義神否泰轉移之術乎此幹旋乾坤
維持世運手也豈止醫治
一人之身淺鮮之道也耶

病腹滿發熱十日脉浮而數飲食如故厚朴七物湯主
之。

厚朴七物湯方

厚朴

半斤

甘草

三兩

大黃

三兩

大棗

十枚

枳實

五枚

桂枝

二兩

生姜

五兩

此條固是預治之法然亦為有實熱在內作脹者立法也非謂凡脹病初起皆可用學者詳焉

右七味以水一斗煮取四升溫服八合日三服嘔者

加半夏五合下利去大黃寒多者加生姜至半斤

按論脹病至此陽虛是其本原寒逆是其正病而勾合外邪又其勢所必至于是初則正虛邪實繼則邪正俱衰甚則正日竭而邪不退減遂成胸中寒實下利不救之證非救之不早之故乎仲景乃于脹病初見端倪之時即立一法早為圖維其示人曰病腹滿發熱十日脈浮而數飲食如故厚朴七物湯主之言腹滿發熱十日則病在初起未過十日寒逆雖在下而上原有邪熱可知也所以脈得浮數浮數而發熱似外感風邪之證矣不知浮數而發熱却無頭痛項強惡風等證但見腹滿則腹裏停滯有形之物蘊隆作熱氣向外洩所以脈見浮數而證為發熱惟其無外邪故不見中風他證也再諦之飲食如故則雖有胃虛氣弱之由而未如至有妨于食之甚也未雨綢繆首在調和胃氣消泄停滯以厚朴溫中下氣為君佐

以甘草大棗以補胃。桂枝生姜以益陽。大黃枳實以爲開破除滌。寓調胃承氣之理于其中。服法嘔者加半夏。利者卽去大黃。寒多者倍生姜。雖意在行氣消脹。而其實理胃升陽之義居多也。此爲脹病初發。預治于早。蓋若是之顧慮虛寒也。脈數身熱。尙如此。其脈沉遲而身不熱者。其急爲溫中補氣。又何待言乎。腹中寒氣雷鳴切痛。胸脇逆滿嘔吐。附子粳米湯主之。

附子粳米湯方

附子一枚

半夏半斤

甘草一兩

大棗十枚

粳米半升

石五味以水八升煮米熟湯成去滓溫服一升日三服

故仲景卽爲續出一法云腹中寒氣雷鳴切痛胸脇逆滿嘔吐附子粳米湯主之正爲虛寒有積溫補之

中兼開行之治立法也。附子之性溫而帶走，以溫爲溫，以辛爲行。佐以半夏辛燥，亦兼溫與行之用。甘草大寒，煮以粳米，俱爲胃家生津益正起見，則爲脹滿顧慮虛寒者至諄切也。何世醫不遵而動用攻下，致成危殆也哉。

痛而閉者，厚朴三物湯主之。

厚朴三物湯方

厚朴

八兩

大黃

四兩

枳實

五枚

右三味以水一斗二升，先煮二味，取五升，內大黃煮取三升，溫服一升，以利爲度。

按仲景又出厚朴三物湯一方，云痛而閉者主之。閉者，卽胃脹便難之證也。前厚朴七物湯下利卽去大黃。

按之心下滿
兩脇脇盛在
上焦之陽分
即有便閉故
當大柴胡以
兩解

今二便不止艱難。且閉塞矣。亦不得不先為宣通。于是仍于溫藥之中。兼破洩之治。厚朴為君。大黃佐之。枳實為使。服法多煮。去藥性之剋利。仍以利即為度。乃治脹病權宜之法也。

按之心下滿痛者。此為實也。當下之。宜大柴胡湯。

大柴胡湯方

柴胡 半斤

黃芩 三兩

芍藥 三兩

半夏 半升

枳實 四枚

大黃 二兩

大棗 十二枚

生姜 五兩

右八味。以水一斗二升。煮取六升。去滓。再煎。溫服一升。

日三服。

此註即大柴
胡湯神效之
玄机

然脹病虛寒忌輕下矣。亦有正雖虛而邪方實則下之有物無殞也。所以前論中仲景即出按之痛否之法以示人虛實之故。而分可下不可下之大關。如按之心下滿痛者為實也。當下之。宜大柴胡湯。此迨為邪實而且挾熱者言也。非謂邪實而挾寒者也。仲景已叙之傷寒論中太陽篇矣。云傷寒十餘日熱結在裏者與大柴胡湯主之。宜下之而不用大承氣。乃用大柴胡者。正與傷寒篇中所言相符也。蓋太陽表證未罷裏熱總盛必兼升散之義以為下。恐碍表寒也。脹病寒厥在下裏熱總盛亦必兼升散之義以為下。恐碍下寒也。于邪實有熱法宜下之者其斟酌用法又如此。繁可混言下之乎。推此則治脹病乃不得已而為下也。非以下為主治也明矣。

腹滿不減減不足言當須下之宜大承氣湯。

大承氣湯方 見前痙病中

按此條下又續一法。亦傷寒論中所載入陽明篇者。云
腹滿不減。減不足言。當須下之。宜大承氣湯。迨爲前
論中按之痛者爲實。舌黃未下者。言治乎。腹滿不減
減不足言。按之而痛。舌上黃胎。實而有熱。原有可下
之法。故仲景又將傷寒論中治陽明之法。移註于此
然。究之。下其熱也。非下其脹也。脹之標。可下。脹之本
不可下也。亦不得已而用之法也。設下之而脹大減
不復脹。下之誠是矣。設下之而脹減不旋踵而復如
故。則前論中所謂此爲寒。當與溫藥者也。安知下非
真寒。上非假熱乎。又在主治者。詳審其脉證矣。必脉
見滑數。證見發熱作渴。且能飲水。方可一下。無
疑也。此又余之推廣仲景下法。無令致悞者也。

心胸中大寒痛。嘔不能飲食。腹中寒。上衝皮起。出見有
頭足。上下痛而不可觸近。大建中湯主之。

大建中湯方

經云陽氣出
于中焦建其
中氣氣血調
和百脉通

蜀椒

二合
去汗

乾姜

四兩

人參

二兩

右三味以水四升煮取二升去滓內膠飴一升微火煎取一升半分溫再服如一炊頃可飲粥二升後更服當一日食糜溫覆之

按實熱之邪宜從攻下矣而虛寒之法不可不卽踵明之見脹病實熱之邪可下者居其一而虛熱虛寒及實寒不可下者居其三主治者容可昧哉于是仲景示人虛寒之治曰心胸中大寒痛嘔不能飲食腹中寒上衝皮起出見有頭足上下痛而不可觸近大建中湯主之此所謂實寒之證故首言不當下而當溫也况虛熱乎况虛寒乎此證歷舉其實邪上逆痛嘔阻格飲食衝起之物有形有質至于痛不可觸按之愈不可奈矣若以實邪按之痛卽爲可下未有不誤者仲景爲出大建中湯一法主以蜀椒佐以甘草

使以人參實寒之治理昭然除溫補之外更無除寒
洩實之別法更且食糜溫覆極盡其內外扶陽益正
之意則溫中正所以除寒而補氣正所以洩脹也
以視誤下而虛者益虛寒者益寒工拙何等乎

脇下偏痛發熱其脉緊弦此寒也以溫藥下之宜大黃
附子湯

大黃附子湯方

大黃 三兩

附子 三枚 炮

細辛 二兩

右三味以水五升煮取二升分溫三服若強人煮取二
升半分溫三服服後如人行四五里進一服

按仲景既出溫補以為除寒洩實之法猶恐有實寒之
證而邪實太甚者如前條所云滿逆大痛更且便閉

經云肝主司
泄開竅于兩
陰脇下偏痛
而便閉其脉
緊弦者乃肝
家寒熱之邪
結不通也故
用大黃附子
細辛等寒熱

並濟以和之

此發熱或有
形之物積于
腸胃而皮膚
熱作故在可
下之例未必
爲假熱之症
再參之

上下痞塞無可奈何又不得滌蕩其實邪起見矣然
欲洩其實邪又益其寒邪兩者何可得兼乎仲景又
出一法云脇下偏痛發熱其脈緊此寒也以溫藥下
之宜大黃附子湯言脇下偏痛是腹脹滿而又有偏
痛之處在脇下也脇下則近于少腹下之爲順矣又
發熱乃浮熱之上越者診之脈緊弦不見滑數熱
非真熱洵假熱也真熱而實宜下假熱而實則實寒
也實寒頗可下乎然邪太實又不得不下無已以溫
藥下實寒之邪溫藥附子細辛是也所以治寒也下
藥大黃是也所以下實也實寒二邪分治之道並行
而不悖也此非造化在手者孰能參酌如此至當乎
故實寒之邪有前法溫補必不可用而當攻下者亦
不過用溫藥下之如此法而已猶必強人方可全用
之弱人服勿盡劑可知矣此又在下實寒脹病中見
斟酌不輕攻下之旨也則凡事
意妄下者觀此可以廢然返耳

寒氣厥逆赤圓主之

赤圓方

茯苓

四兩

半夏

四兩洗一

烏頭

二兩炮

細辛

二兩

右六味末之。內真朱為色。煉蜜丸。如麻子大。先食酒飲下三丸。日再夜一服。不知。稍增之。以知為度。

推弱人不必
盛劑之意或
以可用此溫
而行之多服
救劑似可減
矣則亦無須
于溫藥為下
矣

仲景終恐人于脈病意在攻下不肯遽溫補也。於是又出一方云。寒氣厥逆。赤圓主之。方用茯苓半夏為君。意在燥土益胃以安逆氣也。佐以烏頭細辛以辛溫之性。行實寒之積。而欲上衝者更飲酒以助其溫和流行之力。是以溫藥行氣除寒。補胃制逆。于方見見脈病之始。凡厥氣在下。欲動寒氣逆上。已見者俱早用為匡救也。又豈必脈病既成而後求此和平之劑乎。蓋此方固為正治。然早服之。收功未然。反不見

寒疝

曲突徙薪之勳也。若至實寒之邪大盛則正虛者大建中湯邪實者大黃附子湯二方直從急治乃李郭再造之功也不比此志廣才疎之文信公矣。

腹痛脉弦而緊弦則衛氣不行卽惡寒緊則不欲食邪正相搏卽爲寒疝寒疝遶臍痛苦發則白津出手足厥冷其脉沉緊者大烏頭煎主之。

烏頭煎方

烏頭

大者五枚熬去皮不切咀

右以水三升煮取一升去滓內蜜二升煎令水氣盡取二升強人服七合弱人服五合不差明日更服不可一

曰再服

按寒痛者亦無病也。與賈誼同爲厥氣在下。寒氣逆上之痛。而皆發之。意不一。經所謂胸脇腹裏各有畔界。在上而爲胸。在下而爲心。痛再下爲腹滿。再下爲寒。痛其痛而得源者。也。故仲景言寒痛。卽于腹痛病中。明之。如其人腹或滿痛不消。但痛診之。脈弦而緊者。寒氣入乘于下。正陽入胃于中也。蓋腹痛而見浮數等脈。皆有挾熱之理。復痛而得弦緊之脈。必爲因寒之故也。若仲景中言弦緊之故。曰弦則衛氣不行。卽惡寒緊則不欲食。弦浮取之而得。亦緊脈也。而在浮則爲弦。浮取得此。知有外感之寒邪。與內寒相雜。故衛氣爲寒束鬱而滯阻。下行矣。凡入一身之氣。無論在表在裏。皆以衛氣之行爲行。日有常度。不遲不速。熱則病于行。速寒則病于行。遲。今言衛氣不行。非不行。行遲之故也。衛氣行遲。無氣下行遲。而在表之氣。固有阻碍。在裏之氣。能無格滯乎。此氣之所以因外寒而結聚也。于沉取而得緊。緊與弦無二。在沉得之。

此白津必出
于腰以下或
陽道中出自
津亦作寒論

則爲緊。沉。鬲裏緊爲寒。腹裏寒盛見于脉。則胃陽不
治。而脾土亦失溫燥之令。飲食何由得速爲腐化。而
易飢思食乎。此又平素陽虛陰盛。積寒在裏。以召外
寒。夾雜于表裏而爲患者也。表裏之寒邪既盛。而正
陽與之相搏。寒邪從下起。結聚于至陰之分。而寒疝
成矣。寒疝既成。伏于少腹。遶臍痛苦。發止有時。發則
白津出。津似汗非汗也。此汗本下部虛寒。陰邪逼迫
外越。故以白津二字形容之。理至微也。及陰寒積久
而發。四肢厥冷。脉得沉緊。何非寒厥之氣爲害也耶。
余前言浮弦沉緊。卽本乎此也。仲景示人以大烏頭
煎主之。烏頭辛熱逐寒邪。開陰閉。常用見功。單刀直
入。竟趨虎穴。此取效之最遲捷者也。惟恐燥烈傷陰。
故于服法又分弱強人並申一日不可再服之戒。何非
期臻至善之法乎。

寒疝腹中痛。乃脇痛裏急者。當歸生薑羊肉湯主之。

當歸 二兩

生薑 五兩

羊肉 一斤

右三味以水八升煮取三升溫服七合日三服若寒多者加生姜成一斤痛多而嘔者加橘皮二兩白朮一兩加生姜者亦加水五升煮取三升二合服之

於是仲景因寒疝之治必用辛熱又恐猛烈之性傷及陰分復主他變也更立以陰藥補陽之一法亦猶前論腹滿以溫藥爲下法之理也溫藥可以下實邪而不傷陽則推之陰藥可以行溫補而不傷陰俱達權于通經之內者也如寒疝腹中痛及脇痛裏急者當歸生姜羊肉湯主之必其人固是陽微亦且陰弱烏頭一味辛熱難用轉爲另立一法以散固沍之寒于陰陰之所著其腹脇之痛俱由寒疝逆衝所致再見裏急寒盛而陽且無矣主以當歸引陽藥入陰分血海中生姜多用益以羊肉散寒溫裏而全不見燥烈寒多更倍生姜胃陽虛而嘔逆者加橘皮白朮以理之一方面而陰陽兼善上下悉安之治也前烏頭煎

手足爲脾土
之本末不仁
者寒客中焦
內無陽氣以
溫之也

方治陽獨虛者也此方治陽虛而陰亦弱者也主治者所當神明其用于臨時也

寒疝腹中痛逆冷手足不仁若身疼痛灸刺諸藥不能治抵當烏頭桂枝湯主之

烏頭桂枝湯方

烏頭

右一味以蜜二升煎減半去滓以桂枝湯五合解之令得一升後初服二合不知卽服三合又不知復加至五合其知者如醉狀得吐者爲中病

桂枝湯方

桂枝

三兩
去皮

芍藥

三兩

甘草

二兩
炙

生姜

三兩

大棗

十二
枚

右五味，剉以水七升，微火煮取三升，去滓。

參二方皆內治其寒邪者。如有內外合邪為寒痙證，則表裏俱寒，陽衰陰獨，久將成無陽之證矣。仲景又立內外兼治之法，如寒痙腹中痛、逆冷，俱內寒也；手足不仁，若身疼痛，兼外寒矣。灸刺諸藥不能治之，得其抵當，蓋灸刺外治其寒，而遺其內治也。諸藥內治其寒，而遺其外治也。凡所以俱下能治之，抵當也。仲景為立表裏兼治一了百當之法，為烏頭桂枝湯，方以烏頭溫中，桂枝湯治內，以桂枝湯升陽驅邪治外，服之不知者，漸加，知者如醉狀，陽氣得升，必發越而上。仲景言得吐為中病，吐亦發散陰邪之法也。使極下，發寒之邪，得以高越而吐之時，身必微汗出，陽達而陰寒立散矣。所以不用發汗者，正恐內外陰寒更發。

汗以亡其陽必致大悞也。所以用桂枝湯治寒邪。明犯傷寒論中固衛閉邪之禁。而反立取神效也。蓋傷寒病內無寒。却有表鬱而生之內熱。故不取于固衛閉邪。以益其內熱。茲內外一味寒邪。內服烏頭之辛熱。溫而且行。外有桂枝之升陽。驅而帶補。又豈可與傷寒論傷寒病不用桂枝。同日語乎。醫中神理。仲景獨能心得。一條有一條之妙義。不容牽混而妄議之。此世醫之所以見仲景之書。茫然莫解。尊而不信。信而不好。率謂其難用也。非難用也。以其不能用故耳。如此數方。何一非神妙不可思憶者乎。而知之者。恐鮮矣。

其脉數而緊。乃弦狀如弓弦。按之不移。脉數弦者。當下其寒。脉繁大而遲者。必心下堅。脉大而緊者。陽中有陰。可下之。

腹滿病與寒疝。知爲一氣所成之病矣。腹滿實熱之邪盛者。有可下之義矣。卽實寒之邪。實盛者。亦有溫藥下之之法矣。寒疝病。亦有可下之說乎。仲景更爲明之曰。其脈數而緊。數者熱也。緊者寒也。此寒熱雜合而成之病也。乃其緊之狀。有如弓弦者。按之至于不移。則寒邪在內。因格閉阻已甚。非開破之。不足以令正氣得行。而正陽得達也。則此脈得之于寒疝。亦有可下之機矣。然徒爲緊如弓弦者。未定可下也。必兼見數。知爲寒熱雜合。法當宣通。言當下其寒而熱不待言矣。此寒疝病中。可下之診也。再有脈緊大而遲者。仲景言其必心下堅。蓋緊者寒也。大者卽滑也。滑爲數之甚。而又往來有力者也。卽前條脈數而緊之別見者也。然不惟緊而大也。而且兼見遲。是三脈合爲一診也。必緊大于浮中取。而遲又在沉取之也。是緊爲寒大爲熱。寒熱雜合于中部。而遲爲寒厥之氣。獨積于下部也。此所以其人下有寒疝。而心下又見堅實。壅塞之證也。心下既堅。知爲寒熱雜合之邪。則雖有寒疝在下。沉取而見遲脈。亦在可下之列。

矣。仲景又爲明浮中兩取得脈大而緊之旨曰：脈大而緊者，陽中有陰，可下之。心下陽分也，有寒邪痞塞于中，卽按之鞭痛，如傷寒論中痞證也。此爲陽分之中，有陰寒之邪，必當下其寒邪而陽分始清也。以此觀之，則前言脈數而緊，弦狀如弓弦，亦必在浮中二部診之而見，其沉取亦必遲而緊也，明矣。仲景于此證言當下其寒，正因寒雜于中部之熱，乃寒厥之氣上逆所成，下其寒邪而中部之陽分得治，而所摻攪結團之熱亦皆開散，非由上作汗而外越，卽由下二便而洩矣。此下法，仲景言其治而不出方者，何以示後人乎？蓋其證非一，不可立法也。請更申明仲景之意：此邪在心下，則有瀉心諸方；傷寒論中列之詳矣。此邪在腹裏，則腹滿病中諸方、厚朴七物、三物、大柴胡湯、大黃附子湯又列之詳矣。是在主治者審諦其邪在何所，又當明其寒多熱少，熱多寒少，熱虛寒實，寒虛熱實，而後可于諸方中選用之也。豈可混立一法以治之乎？然余追溯其意，則必非諸承氣湯及抵當湯丸等方可以下之，甚確矣。下有寒病而上有心

痞者則先檢用瀉心諸方以治其上。下有寒痞而中爲腹人者則先檢用脹病諸方以治其中。而後寒痞可徐圖也。此仲景言下之大經大法。人所不能推明者也。余指出之。其心亦可告無愧于仲景也乎。試以此條再申言之。于腹滿病中。中有寒熱雜合之邪。其脈數與緊並見于關部。如弓弦。按之不移。亦在當下也。再如其脈緊而大。大而遲。三診合見于關部。又在當下也。而其下之法。亦不外于厚朴七物三物大柴胡大黃附子等方。亦准在虛實寒熱多寡盛衰處斟酌用之而已。故寒痞與腹滿原爲異出同源之病。卽可以病異法同之理該之。故仲景以此一段結兩證。蓋可以分言之。可以合言之。可以揣治之。可以兼治之。俱各得而不相違者也。其言誠深切也哉。

附方

外臺烏頭湯治寒疝腹中絞痛賊風入攻五臟拘急不

得轉側。發作有時。使人陰縮。手足厥逆。方見上

後人因仲景未出方。附外臺烏頭湯一方。註云。治寒痛腹中絞痛。脈沉入攻五臟。拘急不得轉側。發作有時。令人陰縮。手足厥逆。即烏頭煎仲景之原法也。據註陰縮手足厥逆二證。為陽衰陰獨之故無疑。在腹滿寒疝中。原可以檢用也。然凡下寒厥。而上有寒熱雜合之邪者。又當變通也。即陽衰而陰亦弱者。亦宜顧慮也。前俱言之詳也。

外臺柴胡桂枝湯方。治心腹卒中痛者。

柴胡 四兩 黃芩 一兩 人參 一兩

芍藥 一兩 桂枝 一兩 生姜 一兩

甘草 一兩 半夏 二合 大棗 六枚

右九味以水六升煮取三升溫服一升日三服

按又附 薑柴胡桂枝湯一方註云治心腹卒中痛者亦可爲腹滿病有寒熱雜合之邪者主治也其法仲景亦曾言之于傷寒論中治太陽病而後人移于此傷寒論又云傷寒六七日發熱微惡寒肢節煩疼微嘔心下支結外証未去者柴胡桂枝湯主之蓋因治心下支結而移于此爲治法也然必寒熱雜合而且表裏兼證方可檢用也以此佐仲景大柴胡湯之不逮也寒熱雜合熱邪盛而應下裏者則篇中所載大柴胡證也寒熱雜合寒邪在而應解表者則此柴胡桂枝湯是也又即烏頭桂湯之義而分寒熱之快不可有表邪而快內寒者烏頭桂枝湯證也有表邪而快內熱者柴胡桂枝湯證也正與傷寒論所言鼓動耳故亦當附列以備引用也以柴胡桂枝生薑升陽透表人參半夏甘草大枣補中開鬱黃芩芍藥治寒中有熱證合此表裏兩解寒熱重陰之法也

外臺元馬湯治中惡心痛腹脹大便不通

巴豆

二枚去皮心熬

杏仁

二枚

右二味以綿纏搥令碎熱湯二合捻取白汁飲之當下老小量之通治飛尸鬼擊病

此方似亦以溫藥下之之義

按又附外臺走馬湯一方註云治中惡心痛腹脹大便不通方中巴豆杏仁皆為辛溫有毒之物以云開破陰寒閉之氣為卒中寒邪于心腹痛滿難支從急治也然八建中湯烏頭煎二方已脩急治之理也此方未修一而不純未足當仲景立法必期盡善之旨也姑存之以備參考可耳且未註云通治飛尸鬼擊病亦不過神乎其說見扶陽抑陰之意而語怪非醫理之正不敢置解

宿食

問曰人常有宿食何以別之師曰寸口脉浮而大按之

寸口浮大者
內有邪阻滯
不入更但浮
于外焉按之
反濇者邪積
于中脉道不
利也只中濇
者中州閉塞
陽氣艱于下
逆也

反濇尺中亦微而濇故知有宿食大承氣湯主之

大承氣湯方

見前症病中

按宿食者食物病也飲食入胃精輸于臟腑氣行于榮衛何有宿病者胃陽虛脾氣弱臟腑表裏之間一腐化遲滯一轉旋疎慢而食物遂停蓄積聚為患故食物本以養人而且可以病人也再者復有恣意飲噉漫無禁制生冷肥甘一切有害脾胃之物用之惟恐不及今胃中晝夜常時凝滯痞塞中和之氣不能流通津液之生不足調治于是輸於脾者亦少正氣其脾家非太燥而傷陰即太濕而傷陽轉運之職亦不能自效矣是又因食而致病因病而愈積食皆宿食病之所由成也仲景叔之腹滿寒疝之後者見胃陽為腐化水穀之司不可使少有衰敗以致後天之生意不滋脾胃為滋濡水運之根不可使少有停滯以致積聚日深其教洵有深戒于口腹之慾也乃設為問答以明之問曰人病有宿食何以別之師曰寸

脉來如物之浮如風吹毛曰肺死。即仲景所言浮之虛按之弱如葱葉下無根之脉也。此乃肺真臟脉見不可治之證也。

肝中風者頭目瞶兩脇痛行常偃令人嗜甘。○肝中寒

者兩臂不舉舌本燥喜太息胸中痛不得轉側食則吐

而汗出也。

脈經千金云時盜汗飲食已吐其汁

肝死藏浮之弱按之如索

不來或曲如蛇行者死。○肝養其人常欲蹈其胸上先

未苦時但欲飲熱旋復花湯主之。

臣億等校諸本旋復花湯皆同。

物

肝中風者頭目瞶風陽邪上炎合肝木內風動則頭

目瞶瞶者合眩暈而言也兩脇痛肝氣侈張也行常偃筋骨痛肝風邪入肝而筋骨拘急不能伸舒也令人嗜甘肝木侮土土不勝而求助于味故嗜甘也風

爲木邪。肝亦木屬。以木邪合木氣。而動搖必在於上。頭目瞶之本也。屈曲必苦於下。脇痛之本也。且外耗其經。樞之營血。內傷其胃土之真氣。此行常偃。而人嗜甘之本也。○肝中寒者。兩臂不舉。筋骨得寒邪。必拘縮不伸也。舌本燥。寒鬱而內熱生也。喜太息。胸中痛者。肝爲寒鬱。則條達之令失。而胸膈格阻。氣不流暢也。不得轉側者。兩脇病滿急。輾轉不安也。食則吐而汗出。肝木侮土。厥陰之寒侵胃。胃不受食。食已則吐。如傷寒論中。厥陰病所云也。汗出者。胃之津液。爲肝邪所乘。侵逼外越也。此俱肝臟外感之證也。○肝死臟者。卽內經所云。死肝脉來也。經云。死肝脉來。急益勁。如新張弓弦。曰肝死。卽仲景所言。浮之弱。按之如索。不來。或曲如蛇行之脉也。此乃肝真臟脉見。不可治之證也。○肝着者。風寒濕合邪。如痺病之義也。痺在分肉。則爲之痺。痺在血分。則爲之血痺。痺在胸。則爲之胸痺。以氣邪而凝固其血。內着于肝。則爲之肝着也。着者。中於物而不散。附于物而不去之義也。其人常欲蹈者。肝臟有邪住着。而胸脇鬱悶格塞。喜

經云心痛則
生悲悲則心
系急五臟六
腑皆搖搖則
百脈動液道
閉泣而涕出
則為哭

踴躍以振動之也。又其人先未成肝着時，但欲飲熱，肝為厥陰之臟，寒濕挾風而入，又皆陰邪，以陰邪結陰分，胃中逼近而覺其寒冷，思得熱飲以溫之也。仲景於此，出一方云：旋覆花湯主之。以輕清旋運之，為驅邪散着之治。佐之葱，以通陽絡，以和血，而肝着可愈也。蓋風寒中肺，中肝，皆有治在，傷寒論中不必復贅。故單言肝着，一方以示人也。

肺臟不言着者，于胸痺已言之矣。

心中風者，翕翕發熱，不能起，心中飢，食即嘔吐。○心中寒者，其人苦病心，如噉蒜狀，劇者心痛徹背，背痛徹心，譬如蠱注，其脈浮者自吐，乃愈。○心傷者，其人勞倦，即頭面赤而下重，心中痛而白煩發熱，當臍跳，其脈弦，此為心藏傷所致也。○心死藏浮之實如丸豆，按之益躁。

心為君主之官哭則魂不
不安者將
皆憂也肝
魂為將重
藏魄為相
目合欲眠者
心病則魂
皆虛均無
氣上榮于目
矣
風火兩端性
皆升發故
翕發熱言其
熱淫于表心
中飢等言其
翕躍上焦也

疾者死。○邪哭使魂魄不安者，血氣少也。血氣少者，屬於心。心氣虛者，其人則畏。合目欲眠，夢遠行，而精神離散，魂魄妄行。陰氣衰者為癰，陽氣衰者為狂。

按心中風者，翕翕發熱，心常惡熱。風邪入而內耗其陰，熱斯作也。不能起，發熱則身酸軟無力也。心中饑，食即嘔吐。心熱則胃熱，易飢思食。然心熱則上焦熱，食入而多嘔吐也。心為君火，風為陽邪，風火相煽，發熱之本也。壯火食氣，氣耗神疲，而力亦倦，不能起之本也。心火與胃火交熾于上焦，心中饑，食入即吐之本也。○心中寒者，其人苦心病，如噉蒜狀。寒邪客于脂膜，而血凝氣滯，如辛物之嘈雜于心也。劇者心痛徹背，背痛徹心，前胸痺，心痛證中已言之也。譬如虫注，心陽氣所宅，有寒邪在內，清籠如虫之注，綿綿不已也。診之而其脈沉，則寒入之深，必藥治之。其脈浮者，邪人之淺，陽氣不久，擁邪而上越，故云自吐乃愈也。

治內後治外或先治外後治內之法也此分治之法也再不然更當十指病篇中求其併一之法又合治之法也師不能盡言故此下不出方在人貫通體會之而已矣苟刻舟求劍者遇此則茫然矣安能起師于九原而問之乎

跌陽屬胃胃司土令其脈以緩爲正今反微弦弦爲厥陰之木象土中木犯脾胃不舒腹必脹滿病法當然也治以益土平肝溫劑散寒爲主此即經云弦則爲寒故也再者厥陰肝木與太陰脾土兩者羣生于臍右界相連木邪所以易于尅土也更有同是胃脈微弦而不滿者土中雖具木尅之勢胃病無形亦當指病蓋便難臍痛等症非在脾胃之地界也肝病所以便難者肝主司泄開竅于兩陰病則司泄欠也兩臍疼痛者肝胆端主人身之側氣血寒凝不通也此皆肝經之病態而即尅胃之所以爲病所以成是脹者俱因寒邪由厥陰從下而上而厥陰之邪又自少陰生焉此即地氣上升之象

也故排肺而郭胸脇所謂排臟腑者臟腑異名病
非一處高低各有界址言其毫無混雜也郭胸
脇者氣逆于上即為浮越于表勢若郭充之態
不得鬱而止也然部位已明臟腑雖悉欲平斯疾
又當究所起之因如黃帝又問脹者焉生何因而
有是也曰衛氣之在人身也常然並脉循分肉
行有順逆五臟相隨乃得天和五臟更始四時循序
五穀乃化臟腑充和何脹之有哉若厥氣在下陰中
陽弱榮氣留止寒氣逆上正邪相攻兩氣相搏結而
不散則脹為則知寒氣之逆是即病脹之根源也至
于脹分臟腑乃辨證之分途亦非致病之根蒂若岐
伯所云飲食不節之流飽則傷脾飢則傷胃中州氣
弱陰寒偏盛腹脹
之原無外于是焉

五臟風寒積聚病脉證并治第十一

論二首 方二

肺中風者口燥而喘身運而重胃而腫脹。

○肺中寒吐

濁涕。肺死臟浮之虛按之弱如葱葉下無根者死。

五臟風寒者外感之氣病也。內經云風者百病之長也。今風寒客于人使人毫毛畢直皮膚閉而為熱。當是之時可汗而發也。或痺不仁腫痛。當是時可湯熨及火灸刺而去之。弗治病人舍于肺。弗治肺即傳之肝。弗治肝傳之脾。弗治脾傳之腎。弗治腎傳之心。弗治滿十日法當死。此與仲景所言同源而各岐其流者也。內經所言者通傳之邪也。仲景所言者直中之邪也。言通傳者則以侮其所不勝之臟見病。言直中者則各因其所感以為病而已矣。然風寒之感人。也仲景既著傷寒論之詳矣。其傳經之次第亦與內經所言別何。又于金匱重言之。而意旨各不同。又如此不知此仲景論雜病於金匱中所以並列為各臟

各病而殊無牽引傳致之義。大判于傷寒之爲病一邪而可遍及于臟腑。故叙其證之已成與證之已敗。俾業醫者見此外證。知證在何臟。于何臟求之。所傷何邪。于何邪治之。何臟已死。于何脉決之。于分病中立分。辨證脉之法。非如傷寒論于一病中立分。辨證脉之法也。此所以既不同于內經之文。復不同于傷寒論之說。而自成一段神理也。試就所言而逐段銓釋之。

肺中風者。口燥而喘。肺主氣。氣鬱而熱。則津消口燥。氣鬱而逆。則息奔而喘也。身運而重。氣不流暢。斯身運而重也。胃而腫脹。氣不下行。則胃氣不周通。則腫脹也。風爲陽邪。氣亦屬陽。陽邪併於陽氣之分。而陰虧矣。此口燥之本也。陽邪併於陽氣之分。而陽浮矣。此喘胃之本也。且陽邪併於陽氣之分。而平日之裏陽虛。衛氣弱可知矣。此身重腫脹之本也。○肺中寒者。吐濁涕。肺主皮毛。寒客于表。而肺受約束。闔而不開。濁涕之所以心吐而始快也。此俱肺臟外感之證也。○肺死臟者。卽內經所云死肺脉來也。經云死肺

皮門總風
熱在表之態
目瞶又為風
氣通明矣以
目為肝之開
竅焉動也
短氣風熱上
擁則氣促

可以補綴也

跌陽脉浮而瀉浮則胃氣強瀉則小便數浮瀉相搏大
便則堅其脾為約麻子仁圓主之

麻子仁圓方

麻子仁

二升

芍藥

半斤

枳實

一斤

大黃

一斤

厚朴

一斤

杏仁

一斤

右六味末之煉蜜和丸梧子大飲服十丸日三以知為

度

飲服十丸以知為度
送服也養胃汁也

脾中風者會合發熱脾為濕上風邪入而尅之土燥
而熱斯發也平如瘧人者亦風陽邪擾其陰分之象

也腹中煩重。脾為裏有邪入而干之。斯內覺煩重也。皮曰綱。綱而短氣者。脾失其運用之功。來風邪之尅。蠲濁。氣短氣短也。脾為太陰。風為陽邪。陽邪耗陰。此發熱而平。如醉人之本也。陰耗則煩。土滯則重。此腹中煩重之本也。至愈以乘所不勝。土愈以畏其所侮。此皮曰綱。綱短氣之本也。○脾死藏者。即內經所云。脾死。脈來也。經云。死脾。脈來。銳堅如鳥之喙。如鳥之距。如屋之漏。如水之流。曰脾死。即仲景所言浮之大堅。按之覆杯。潔潔狀如搖之脈也。此乃脾真藏脈見。不可治之證也。○脾臟所以不叙中寒者。于傷寒論中。太陰直中之寒。在經在臟。俱有。論矣。故不復贅。林億等謂前亂非也。猶之乎有胸痺。而肺藏無複詞也。然肝有肝着。心有癰狂。脾有脾約。可並叙之。跌陽脈浮而濇。浮則胃氣強。濇則小便數。浮數相搏。大便則堅。其脾為約。此仲景為脾約家。明其大義也。說已見于傷寒論中。再摘余註意而釋之。於此。跌陽者。胃脈之會也。見浮。胃中之陽盛可知。見濇。脾中之陰虛可知。脾胃表裏相關之證也。逼汗于外者。此也。

陽虛濕勝皆
令身重
身勞汗出腎
家大勝太陽
經氣以衛表
也

迫小便之數者亦此也。浮盛之胃熱與澀虛之脾陰相搏，則津液日耗，大便必難。其脾燥而不能運，遂約省所出，漸至于無。此仲景主之以麻仁丸，以潤燥和脾為義也。主以麻仁，潤燥滑腸；杏仁厚朴，下氣寬中；芍藥收陰行血；枳實破堅，大黃推積，無非為胃家洩其盛而實之邪。則脾家之真陰可存，不致立竭。已○腎臟中風中寒，俱不列者，亦見于傷寒論。少陰病中更不復贅，亦非林億等所謂簡亂也。獨詳腎着，一登亦猶肝着脾約。

腎着之病，其人身體重，腰中冷，如坐水中，形如水狀，反

不渴，小便自利，飲食如故，病屬下焦，身勞汗出，衣一作表

裏冷濕，久久得之，腰以下冷痛，腹重如帶五千錢，甘姜

苓朮湯主之。

甘草乾姜大苓白朮湯方

甘草

白朮

各二兩

乾姜

茯苓

各四兩

右四味以水五升煮取三升分溫三服腰中即溫

過腎着之爲病其人身體重腰中冷如坐水中形如水狀反不渴小便自利飲食如故病屬下焦身勞汗出衣裏冷濕久久得之腰以下冷痛腹重如帶五千錢腎着亦猶肝着而着于腎也腎陽虛而陰寒濕之邪住着于此體重腰冷如坐水中腰體陰寒而陽氣凝滯也形如水狀皮膚浮腫也反不渴內濕浸淫也小便自利飲食如故正氣上下尚行消如常可以救治也仲景明其病屬下焦腎藏有寒邪而下焦俱寒冷如水無陽氣足以敷布而溫煖之也此由于身勞汗出衣裏冷濕久久而得汗隨勞發濕隨汗歛久久

經云背脊為
陽陽中之陽
心也又云五
臟之系皆繫
于背故心痛
微背

臍上屬心臍
下屬腎臍左
屬肝臍右屬
肺諸腑屬脾
經界昭然也
跳在諸臍小
腸之位在臍
上心與小腸
相表裏上為
火之字母病

其有不能吐為法以吐之則又屢言之矣。○心傷者
有邪氣以傷之也。如風寒是也。此外感氣之邪也。然
又有七情以內傷之。即經云。愁憂恐懼則傷心。又云。
悲哀愁憂則心動。心動則五臟六腑皆搖。此內傷七
情之故也。仲景更言七傷于虛勞病中。可謂該盡矣。
其人遇勞倦。即頭面赤。心虛陰不足。動則火生。而外
見于色也。下重者。心氣虛。微如有所墜繫之也。心中
痛而自煩發熱。心氣虛。而邪氣易于。則痛。心陰虛。而
邪火易發。則煩而發熱也。當臍跳者。心氣虛。水邪欲
動而上犯。當臍跳。即欲發奔豚之機也。診之其脉弦
弦者。如揭長竿末梢。肝脉也。心脉則累累如貫珠。如
循琅玕。今變則為長變。計利為遲直。是心陰受獎。而
心神有減也。故仲景言其為心臟已傷所致也。必心
臟傷而後見此證。何不煩為問之乎。而必俟死。臟脉
來耶。○心死。藏者。即內經所云。死心脉來也。經云。死
心脉來前也。後者。如操帶鉤。曰心死。即仲景所言。浮
之實如也。按之益躁疾之脉也。此乃心真臟脉見
不可治之證也。仲景又曰。邪哭使魂魄不安者。血

及子而有是
症也若云奔
豚其跳常在
臍下矣跳以
腎氣凌心七
能制水不得
反跳于當臍

氣少也。血氣少者，屬于心。心氣虛者，其人則畏。合目
欲眠。夢遠行，而精神離散，魂魄妄行。陰氣衰者，為癰
陽氣衰者，為狂。此就心病之癰狂二者言之也。五臟
皆易受外邪，獨心臟外邪難於得入。惟在神志之間，
感動而生病者居多。故不同于肺、肝、脾、腎，俱有外邪
內附之證。如肺之胸痺，肝腎之着，脾之約是也。雖脾
之約與痺着不同，而胃陽之移注于脾，脾陰不足以
勝之。其邪遂在脾而約脾，亦同為脾病。特有寒熱之
不同耳。今心臟為君主之官，固非外邪可以輕干。或
有外邪干之者，立不支矣。故不得有別成一病。延久
而待治者，至于事之觸而有所拂，情之動而有所驚。
則心藏自獨成一神志之證，而餘四臟亦無其證焉。
蓋心有知之物也，故有知之邪。足以傷之。肺、肝、脾、腎
無知之物也，故有知之邪，不足以傷之。此一定不易
之理也。所以心之見病，祇為癰狂。而仲景附見于心
死臟脉之下。內經云：帝曰：有病如心狂者，此病安生？
岐伯曰：生于陽也。帝曰：陽何以使人狂？岐伯曰：陽氣
因暴折而難決，故善怒也。病名曰陽厥。又帝曰：人生

而有病癲疾者病名曰何安所得之岐伯曰病名爲胎病此得之在母腹中時其母有所大驚氣上而不下精氣並居故令子發爲癲疾也是狂癲二證一出于抑鬱一出于驚恐皆心藏神明之官受病之因也內經云子在母腹多驚此爲生而帶癲病者言也其長大而後之癲自是卒遇驚恐之事而成並無關於胎疾也明矣二病之初起也必無故而邪哭魂魄之間若有物使之不安者不知非怪異也乃已身之血氣少也此血氣少非少于他臟乃少于心臟故言屬之心也心臟血氣既少則心虛矣心虛神怯其人必多恐懼合目欲眠者揜避隱結之象也眠時夢遠行而精神離散心藏神心中血氣虛神不安其舍而精神恍惚明變如將離散也理魂妄行肺藏魄陰之情也肝藏魂陽之精也合而言之則神也三者各異其名而無二物也神不安而魂魂俱與神飄忽來去妄行而不已也此所以發爲癲狂二疾皆心病所由見也然癲狂又必有各得之故陰氣衰者正陰衰而邪陰盛也癲乃不識不知之狀陰邪凝閉而靈明之

寒寒矣故爲嘔陽氣衰者亦正陽衰而邪陽亢也狂乃如鬼如神之狀陽邪暴發而禮讓之意絕矣故爲狂仲景敘心臟風寒而並及此二證見雖非六氣之偶犯却因七情之忽投與風寒同一感受之邪使人于論列之餘而得其大旨也並不出方者自有尚詳之書不能于統論臟腑各病中槩及之耳余考內經治狂之法岐伯云奪其食則已使之服以生鐵洛爲飲夫生鐵洛者下氣疾也其治癲狂二疾見于內經者則靈樞癲狂篇言鍼刺最詳應細考之並採用後世方書合于仲景而無悖于內經者在主治得其人耳仲景于此總論中又何能盡其情變哉

何云潔潔如覆杯之內空無有也
翁翁發熱與

脾中風者翁翁發熱形如醉人腹中煩重皮目瞶瞶而短氣○脾死藏浮之大堅按之如覆杯潔潔狀如搖者死臣億等計五臟各有中風中寒今脾只載中風腎中風中寒俱不載者以古文簡亂極多去古既遠無文

也。小腸有熱者必痔。小腸熱即膀胱熱也。中下三焦
陰而二證見也。六腑之因莫不根于五臟。而獨胃
腑又爲五臟六腑之總司。因二陽下受陽明之流注。
師特舉此二腑以明之。見二陽之病雖分屬而實關
中焦。中焦之腑雖別屬而實根于陽明。可知五臟六
腑有分言之必詳者。有合觀之必確者。有聯貫通會
之必如一者。何非業醫者所當究心者乎。此仲景所
以于五臟風寒積聚病中畧言其大槩以示人因端
求委由博返約而已。如謂此仲景數行之書便是該
而且盡也。則是未博而求約。未知端而欲得委。將流
于鹵莽滅裂而不自知者矣。

問曰。病有積有聚。有穀氣。何謂也。師曰。積者。臟病也。終
不移。聚者。腑病也。發作有時。展轉痛移。爲可治。

按。臟腑積聚病者。內傷之氣病也。經云。黃帝曰。積之始
生。至其已成。奈何。岐伯曰。積之始生。得寒乃生。厥乃

積積有積也
陰宅新而不
移也功積無
著所者主
動而速走也

成積也。黃帝曰：其或積奈何？岐伯曰：厥氣生足惋，悅
生強寒，腰寒則血凝澀，血凝澀則脈凝澀，則寒上入于腸
胃，入于腸胃則積聚，積聚則腸外之汁沫迫聚不得散，日
以成積。此言積之生于寒邪內客者也。又曰：卒
多食飲則腸滿，起居不節，用力過度，則絡脈傷，陽絡
傷則血外溢，血外溢則割血陰絡傷，則血內溢，血內
溢則受血得胃之絡傷，則脈溢于腸外，有寒汁沫與
血相搏，則結聚不得散而積成矣。此言積之生
于血溢于內者也。又曰：卒然外中于寒，若內傷于憂
怒，則氣上逆，氣上逆則六輸不通，溫氣不行，凝血蘊
裏，而不得津液濡澤，瘀著而不去，而積皆成矣。此言積
之生于外感寒邪內傷暴怒者也。生積之故多端，大
約此三者可以統該而言之。而內經又分屬之五臟，
以言積經云：黃帝曰：其生于陰者奈何？岐伯曰：憂思
傷心，重寒傷肺，忿怒傷肝，醉以入房，汗出當風，傷脾，
用力過度，若入房汗出，浴則傷腎，是五臟致積之由，
見于經文者如此。然積又不止于五臟也。且臟之內
非可容積之地，積不過積于臟之外而已矣。至于六

虛邪者不正
之風邪也

腑之聚義同于積亦不必定聚于腑中與臟同一理也。但臟積有定著之病。腑聚無定著之病。于此遂分臟腑積聚焉。何也。臟陰也。邪入而與臟氣相依着。似有根。維于其間。腑陽也。邪入而自成一片段。惟附近于腑而不相係屬。蓋積聚俱爲陰寒之邪。與臟氣相親。以類與腑氣相別而配。此亦陰陽一定之理也。故內經又言積成之始末與所留停之處。經云。是故虛邪之中人也。始于皮膚。皮膚緩則腠理開。開則邪從毛髮入。入則抵深。深則毛髮立。毛髮立則淅然。故皮膚痛留而不去。則傳舍于絡脉。在絡之時。痛于肌肉。其痛之時。大經乃代。留而不去。傳舍于經。在經之時。酒漸喜驚。留而不去。傳舍于輪。在輪之時。六經不通。四肢則肢節痛。腰脊乃強。留而不去。傳舍于伏衝之脉。在伏衝之時。體重身痛。留而不去。傳舍于腸胃。在腸胃之時。貴嚮腹脹。多寒則腸鳴。飧泄。食不化。多熱則溲出粟。留而不去。傳舍于腸胃之外。募原之間。留着于脉。稽留而不去。息而成積。此言積之成于外受虛邪。內傳漸深。留而不去。客于募原。稽留息止。而致

患也。又曰：或着經脈，或着絡脈，或着經脈，或着輪脈，或着于伏衝之脈，或着于臂筋，或着于腸胃之募原，上連于緩筋，邪氣淫泆，不可勝論。此言臟腑之外募原之間，筋脈之中無處不可以成積也。又黃帝曰：願盡聞其所由然。岐伯曰：其着絡之脈而成積者，其積往來上下，臂手絡之居也。浮而緩，不能積而止之，故往來移行腸胃之間，水湊滲灌，注濯濯有音。有寒則腸脹滿，雷引故時切痛，其着于陽明之經，則挾臍而居。飽食則益大，飢則益小，其着于緩筋也，似陽明之積，飽食則痛，飢則安，其着于腸胃之募原也，痛而外連于緩筋，飽食安，飢則痛，其着于伏衝之脈者，獨上應手而動，食手則熱，氣下于兩股，如湯沃之狀，其着于臂筋在腸後者，飢則積見，飽則積不見。按之不得，其着于輪之脈者，閉塞不通，津液不下，孔竅乾壅，此邪氣之從外入內，從上下也。此言積之無在不，無不在而不可以執一而求者也。觀經之言積之由成，與夫成後積之所駐，斯可與言仲景之論臟腑積聚矣。仲景乃設為問答以明之。問曰：病有積有聚，有

陰寒不散。日積月深。腰下冷而且痛。氣血亦爲之停阻不行矣。錢重如帶五千錢。形容腎家寒邪重着之象。如繪也。主之以甘姜苓朮湯。無非燥土以散寒之治。服之腰中卽溫。而着者除矣。

腎死臍浮之堅。按之亂如轉丸。益下入尺中者死。

按腎死臍者。卽內經所云。腎死脈來也。經云。死腎脈來。發如奪索。辟辟如彈石。曰腎死。卽仲景所言浮之堅。按之亂如轉丸。益下入尺中之脈也。此乃腎真藏脈。見不可治之證也。右五臟各有分紋。雖不足以盡雜病之情變。而從此觸類引伸。亦可得無盡之法也。如必求一病一方。如後世之方書。則又不可與言仲景其飲上池之水矣。

問曰。三焦竭部。上焦竭。善噫。何謂也。師曰。上焦受中焦氣未和。不能消穀。故能噫耳。下焦竭。卽遺溺。失便。其氣

三焦竭部
三焦竭之類
也

不和不能自禁制不須治久則愈

仲景于是更言三焦之病氣設爲問答以明之。問曰。三焦竭部。上焦竭善噫。何謂也。師曰。上焦受中焦氣未和不能消穀。故能噫耳。上焦如霧。竭者如霧之氣化不足也。上焦之氣化爲津液而注於中焦。然實中焦之氣升舉于上焦而如霧之氣方充滿而能化。故師曰。上焦受中焦氣。苟中焦氣不和則陽虛氣弱。先不能腐化水穀。飲食入胃停留者多宿食之氣。痞塞于中焦。上焦弱。噫亦不舒快。而噫氣常見矣。噫氣亦氣之格逆者。求通順不得遂噫而出也。再有下焦竭。卽遺溺失便。其氣不和不能自禁制。下焦如瀆。水血停聚之所也。亦賴中焦升降。其陰陽不致沉陷。陰又不使固注而啓開闔。順其自然二便方以時行。如下焦竭。是下焦之陽氣竭也。遂致二便不禁制而自下。虛寒之甚者也。師言其氣不和。無陽陰獨。何和之有。師又言不須治。久則愈者。非聽其洩脫不爲援救也。言不須治其下焦。但理其中焦可也。然升其陽。

腎也其性
就水從無尿
結便澀者如
之

固其滑補其氣止其洩久之陽足于中焦而下焦之
陽自不沉陷下焦之陰自不固洩可以得愈也如不
中焦是圖而從下焦爲治茫無下手處矣且握樞而
運中焦實上下二焦之關紐治上治下不如理中中
者非胃陽與胃氣乎究之胃氣亦胃陽所生胃陽皆
腎陽所焙而已蓋後天一畫即先天一畫陽無二陽
也孰謂非天地人物之各正性命者哉蓋先天一畫
坎中之一也後天一畫艮上之一也其實皆乾之一
也能使坎艮陰中之陽自全
其乾體斯大年可以坐享矣

師曰熱在上焦者因欬爲肺痿熱在中焦者則爲堅熱
在下焦者則尿血亦令淋秘不通大腸有寒者多驚澀
有熱者便腸垢小腸有寒者其人下重便血有熱者必
痔

按上條爲中焦陽虛者言也。又有中焦陰虛者。師又爲
問者。以三焦之師曰。焦在上焦者。因欬爲肺痿。熱在中
焦者。則爲堅。熱在下焦者。則尿血。亦令淋。秘不通。此
三焦陰虛。有邪熱之證也。三焦陽府。本從火化。原貴
少火之生。氣不貴壯火之食。氣熱在上焦。肺金清肅
之氣不行。故爲欬。爲痿也。熱在中焦。陽明內實矣。故
爲堅。熱在下焦。血室膀胱陰陽不分矣。故尿血。而爲
淋。爲秘不通。然何非陽明之陽亢而津枯。遂致上焚
下燔。肆其熏灼乎。蓋三焦之火。卽命門之火也。命門
之火。卽腎水中所藏也。土厚水深。此火溫中健土。生
意綿綿矣。惟其水淺而火發于命門。惟其土薄而津
耗于中皖。于此求按本寒源之旨。則胃津卽腎水。無
二物也。是故少陰之陰。卽太陰之陰。而太陰之陰。以
陰濟陽。明之陽。斯少陰之水。能以水護命門之火也。
此陰陽交濟而水火方不能相射也乎。遂更及于六
腑中之大小腸。大腸寒者。多驚漉。腸寒則胃寒也。小
腸寒者。其人下重。小腸寒。卽命門寒也。中下二焦陽
衰。而二證見也。大腸有熱者。便腸垢。大腸熱。卽胃熱。

也。小腸有熱者必痔。小腸熱即膀胱熱也。中下三焦陰而二證見也。六腑之因莫不根于五臟。而獨胃腑又爲五臟六腑之總司。因二陽下受陽明之流注。師特舉此二腑以明之。見二陽之病雖分屬而實關中焦。中焦之腑雖別屬而實根于陽明。可知五臟六腑有分言之必詳者。有合觀之必確者。有聯貫通會之必如一者。何非業醫者所當究心者乎。此仲景所以于五臟風寒積聚病中畧言其大槩以示人因端求委。由博返約而已。如謂此仲景數行之書便是該而且盡也。則是未博而求約。未知端而欲得委。將流于鹵莽滅裂而不自知者矣。

問曰：病有積有聚，有穀氣，何謂也？師曰：積者，臟病也，終不移；聚者，腑病也，發作有時，展轉痛移，爲可治。

按：臟腑積聚病者，內傷之氣病也。經云：黃帝曰：積之始生，至其已成，奈何？岐伯曰：積之始生，得寒乃生，厥乃

藏積有待也
除之靜而不
移也物積無
著者謂主
動而流走也

成積也。黃帝曰：其或積奈何？岐伯曰：厥氣生足惋，悅生經寒，經寒則血凝，凝則血脈凝滯，血脈凝滯則寒上入于腸胃，入于腸胃則積聚，積聚則腸外之汁沫迫聚不得散，日以成積。此言積之生于寒邪內客者也。又曰：卒多食飲，則腸滿，起居不節，用力過度，則絡脈傷，陽絡傷則血外溢，血外溢則則血陰絡傷，則血內溢，血內溢則後血陽之絡傷，則脈溢于腸外，有寒汁沫與血相搏，則結聚，聚不得散而積成矣。此言積之生于血溢于內者也。又曰：卒然外中于寒，若內傷于憂怒，則氣上逆，氣上逆則六輸不通，溫氣不行，凝血蘊裏而不去，津液滯矣，著而不去而積皆成矣。此言積之生于外感寒邪內傷，暴怒者也。生積之故多端，大約此三言可以統該而言之。而內經又分屬之五臟，以言積經云：黃帝曰：其生于陰者奈何？岐伯曰：憂思傷心，重寒傷肺，忿怒傷肝，醉以入房，汗出當風，傷脾，用力過度，若入房汗出，浴則傷腎，是五臟致積之由，見于經文者如此。然積又不止于五臟也，且臟之內非可容積之地，積不過積于臟之外而已矣。至于六

虛邪者不正
之風邪也

腑之聚義同于積亦不必定聚于腑中與臟同一理也。但臟積有定着之病。腑聚無定着之病。于此遂分臟腑積聚焉。何也。臟陰也。邪入而與臟氣相依着。似有根維于其間。腑陽也。邪入而自成一片段。惟附近于腑而不相係屬。蓋積聚俱爲陰寒之邪。與臟氣相親。以類與腑氣相別。而配此亦陰陽一定之理也。故內經又言積成之始末。與所留停之處。經云。是故虛邪之中人也。始于皮膚。皮膚緩則腠理開。開則邪從毛髮入。入則抵深。深則毛髮立。毛髮立則淅然。故皮膚痛留而不去。則傳舍于絡脉。在絡之時。痛于肌肉。其痛之時。大經乃代。留而不去。傳舍于經。在經之時。酒淅喜驚。留而不去。傳舍于輪。在輪之時。六經不通。四肢則肢節痛。腰脊乃強。留而不去。傳舍于伏衝之脉。在伏衝之時。體重身痛。留而不去。傳舍于腸胃。在腸胃之時。胃脘腹脹。多寒則腸鳴飧泄。食不化。多熱則溏出糞。留而不去。傳舍于腸胃之外。募原之間。留着于脉。稽留而不去。息而成積。此言積之成于外受虛邪。內傳漸深。留而不去。客于募原。稽留息止。而致

患也。又曰：或着經脈，或着絡脈，或着經脈，或着輸脈，或着于伏衝之脈，或着于臂筋，或着于腸胃之募原，上連于緩筋，邪氣淫泆，不可勝論。此言臟腑之募原，之間筋脈之中，無處不可以成積也。又黃帝曰：願盡聞其所由然。岐伯曰：其着絡之脈而成積者，其積往來上下，臂手絡之居也。浮而緩，不能止之，故往來移行。腸胃之間，水湊滲灌，注濯濯有音，有寒則脹滿雷引，故時切痛。其着于陽明之經，則挾臍而居，飽食則益大，飢則益小。其着于緩筋也，似陽明之積，飽食則痛，飢則安。其着于腸胃之募原也，痛而外連于緩筋，飽食安，飢則痛。其着于伏衝之脈者，獨之感手而動，發手則熱，氣下于兩股，如湯沃之狀。其着于臂筋在腸後者，飢則積見，飽則積不見。按之不得，其着于輸之脈者，閉塞不通，津液不下，孔竅乾壅，此邪氣之從外入內，從上下也。此言積之無在，無不在，而不可以執一而求者也。觀經之言積之由成，與夫成後積之所駐，斯可與言仲景之論臟腑積聚矣。仲景乃設為問答以明之。問曰：病有積有聚，有

穀之爲字本
如此若夫穀
乃爲木也後
人改爲穀遂
並義亦改爲
穀又訛爲榮
皆誤錄也

穀氣何謂也師曰積者臟病也終不移聚者腑病也
發作有時展轉痛移爲可治經但言積而師必判積
聚爲二分屬之臟腑者以別其名義示人易爲辨晰
也就其依着于臟者名之曰積見病堅定則深也就
其附近于腑者名之曰聚見病流動則淺也故積則
終不移以有所係屬也聚則展轉痛而可移以自成
一片段也若夫積聚何以成與夫積聚何以爲治師
則自嘗明言也蓋經已言其所由成矣上受乎風雨
寒暑之虛邪下受乎清濕之陰邪中傷于喜怒之不
節經云三部之氣各傷異類皆成致積之大原也至
其治法經亦言之黃帝曰治之奈何岐伯答曰察其
所痛以知其應有餘不足當補則補當瀉則瀉毋逆
天時是謂至治師又安得盡出汗牛充棟之方晝與
此無窮之積聚相比屬而言治法乎是在讀仲景書
者察其所痛知積聚之在何所而法與病遇則其應
可知也有餘之邪當瀉不足之正當補瀉以除積補
聚也補以勝積制聚也天時春夏則宜發越以升其
陽而陰寒之隆塞自開天時秋冬則宜溫和以理其

陰而氣血之宣通自利。積聚非一朝一夕之故。治法亦無小效近功之圖。慎不可快意一刻。欲速不達。誤施攻下。狂瀾莫迴。則又安可與言仲景臟腑積聚之旨也乎。

穀氣者。脇下痛。按之則愈。復發。爲穀氣。

按師又言穀氣者。脇下痛。按之則愈。復發。爲穀氣。穀氣也。微急爲肥氣。在脇下。如覆杯。卽穀氣也。穀氣。本胃氣。何以病在脇下。則肝木盛。胃土衰。木有邪積。故盛土受木制。故衰。胃中飲食不能腐化。是穀氣也。而肝下之積。因之膈脹。卽肥氣也。按之則飲食消積。雖不減而膈脹減。故曰愈。及再飲食積難未加。而膈脹加。故曰復發。是此脇下之邪。乃因飲食之加減。以爲加減者也。卽經所謂喜怒不節而忿怒傷肝。其氣上逆。而成者也。蓋厥陰之邪。心侮于陽明。在傷寒雜病中。無處不然也。前已屢言之。此又其一端。故肥氣卽穀氣。是一臟一腑公共之積。而其實依着于肝臟。而附

素越人亦言
在臟為積在
腑為聚詳五
十五難

近于胃腑者乎。依着于臟，故不減。附近于腑，故有消長。師治舉此一端，以為凡臟積府聚，示其標的耳。越人推言五積，在肝曰肥氣，在心曰伏梁，在肺曰息賁，在脾曰痞氣，在腎曰奔豚，亦不過因內經之言而分屬之。與仲景所言無異理，但仲景則就其中分別臟腑，以見病邪之深淺，又復就穀氣一邪，以該其餘，而臟積腑聚，俱可識其端倪矣。不然，何獨言穀氣于脇下。豈簡亂不存。如林億等所言者乎。

諸積大法。脉來細而附骨者，乃積也。寸口積在胸中，微出寸口，積在喉中，關上，積在臍傍，上關上，積在心下，微下關，積在少腹，尺中，積在氣衝，脉出左，積在左，脉出右，積在右，脉兩出，積在中央，各以其部處之。

④師又為明診諸積之大法曰：脉來細而附骨者，乃積也。寸口積在胸中，微出寸口，積在喉中，關上，積在臍

傍上關上積在心下。微下關積在少腹。尺中積在氣衝。脉出左積在左。脉出右積在右。脉兩出積在中央。各以其部處之。蓋脉來細者急也。急即緊也。緊即寒也。積之成原因于寒。故脉未有不以寒見者。附骨者沉也。沉而緊因寒而積之可驗者也。歷舉其脉見之所。以決其受病之處。即經所謂察其所痛以知其應之法也。而其沉緊之中。兼數兼遲。為有力之滑大。為無力之微濇。則有餘不足補瀉之俱當于大法者。可推矣。主治者詳于人之病情。自善乎上順天時之至治。仲景不能盡言。吾欲就有道而折衷之也久矣。

痰飲

痰飲欬嗽病證并治第十二

論一首 方十
脈證廿一條 九首

問曰夫飲有四何謂也師曰有痰飲有懸飲有溢飲有支飲○問曰四飲何以爲異師曰其人素盛今瘦水走腸間漚漚有聲謂之痰飲

按痰飲病者痰爲物化之病而飲爲物不化之病也飲食入胃胃中陽盛氣足則俱爲正氣正血灌滋臟腑敷通營衛矣何有于痰飲痰飲者胃陽不足以腐消脾氣不足以旋運而痰飲成矣痰卽食物也入胃而胃冷不足以消之斯化爲痰飲卽水也入胃而脾濕不足以輸之斯留爲飲二邪雖常相附而居而其實所因各異皆應責之以脾胃虛寒俾有用之飲食成爲害之痰飲善養生者何致若是之倒行逆施乎內經言飲而不及于痰言痰自仲景始已有痰病之說列于傷寒論中復合痰飲而言之于金匱細考其文

究以飲爲主。而以痰爲附論。可見痰卽食物。雖爲病而不必蕩除。但能腐化水穀在痰。不必端治而自滅。飲爲水邪。有留伏則最難驅逐。勢必分名辨證。在必有端治而後安。此二病合論中。又宜存分晰之見。不容混其義焉。仲景乃設爲問答以明之。問曰。夫飲有四。何謂也。師曰。有痰飲。有懸飲。有溢飲。有支飲。問曰。四飲何以爲異。師曰。其人素盛。今瘦。水走腸間。漚漚有聲。謂之痰飲。此痰飲之存于腸胃。痰與飲合。成之邪也。其人素盛。故能飲啜。然肥盛于外者。中陽必弱。中氣必虛。以致脾胃之正氣漸衰。飲食之腐化運行者。漸失其常。而盛者斯漸瘦矣。于是飲食所入。俱大半爲痰飲。滯難于腸胃之間。上下流注。漚漚聲響。名之曰痰飲。知其在腸胃爲患也。此證之淺者也。

飲後水流在脇下。欬唾引痛。謂之懸飲。

④飲後水流在脇下。欬唾引痛。謂之懸飲。此有飲無痰。流注于脇下。獨成之水邪也。其人渴而飲水太猛。水

肝主司運開
竅于兩目又
主行身之側
肝虛水積謂
之懸飲者以
肝胆為清淨
之所不與諸
腑交通無出
無入但懸于
此而不去也
溢飲
水本潤下反
逆流在于身
之四肢者猶
乎水激于山
風實使之也
故當取汗而

不全歸于腸胃。因溢散于腸胃之外。膜原之間。惟膈下與腸胃相近。故即存注于此。既不屬之臟腑。又不歸于腸胃。獨成一窩窠。如孤軍懸處于僻遠之地。攻伐之所不能逮及。此由厥陰之陽微弱。不能使邪隨氣升舉消散。故名之曰懸飲。知其

在膈下為患也。此證之較深者也。

飲水流行歸于四肢。當汗出而不汗出。身體疼重。謂之

溢飲。

按飲水流行歸于四肢。當汗出而不汗出。身體疼重。謂之溢飲。飲原由胃注小腸。由小腸注膀胱。此一定水行之道路也。今不歸胃腸受納。不由膀胱沛洩而流行于四肢。必土失其防而泛濫地上。斯四肢之內俱為水邪所浸淫也。脾屬四肢。濕土受邪。不能運氣而使之消。反以運水而使之溢。則脾土固失令矣。其中下二焦陽氣。豈散處烏何有之鄉乎。于是水邪滯處。陽氣不振。即云當汗出而散其濕。亦不能矣。肢體

可愈謂之瀝
飲者水無土
制泛瀝中原
矣

支飲

支飲以其結
在臟腑支系
之間逼近心
臟為患故為
病較重詳見
後註
支分也傍也
肺主氣為水
之上源分支

寒濕侵沒。必為痰重。此由命門火衰。脾土不治。而水
得縱其狂瀾。擾害稼穡。名之曰溢飲。知其在全身為
患。此證之又
較重者也

欬逆倚息短氣不得卧其形如腫謂之支飲

⑤欬逆倚息短氣不得卧其形如腫謂之支飲。欬逆者
水氣在胸膈上衝也。倚息短氣。濕氣阻隔。陰寒滯塞
之象也。不得卧。上逆之甚者也。其形如腫。陽浮而弱。
陰盛而凝。將使三焦上下之陽俱沉淪于水濕浸淫
之中。而軀殼內外俱為固互陰寒之邪。不可驅除矣。
此由其人內外陽氣全衰。裏不能運消。表裏能宣散。
必終有濡首之凶矣。名之曰支飲。此知表裏兼受其
患。此證之最重者也。仲景就痰飲中分為四證。層層
剝入。如薤白牛毛。循求方得。由淺及深。由裏達外。由
一處而散見于周身。由一勺而瀰漫為江海。苟能思
患而預防之。何至遽為淪沒乎。大抵陰寒之邪。漸不
可長。履霜堅冰。易嚴其戒。仲景不憚歷舉以示人。本

答沛而通調
水過者也氣
虛則水聚
肺不化分派
之故為支氣
者肝主司泄
脾分清濁腎
操便之類
今既不能分
疏各布則聚
于支氣膜原
之間矣故曰
支飲
水在心下而
堅築等水能
赴火而心畏
也
水在肺而欲

詳且盡也人自
不察師乎何尤

水在心心下堅築短氣惡水不欲飲○水在肺吐涎沫
欲飲水○水在脾少氣身重○水在肝脇下支滿噎而
痛○水在腎心下悸

按師又為就其五臟以明水邪見痰飲之為害亦同于
積聚無在無不在也如水在心者心下必堅如築短
氣惡水不欲飲正氣為水邪阻隔使然也水在肺吐
涎沫欲飲水正津為水邪格而不上反見咽乾口燥
而欲飲水也水在脾少氣身重脾以濕土受水以益
其濕運旋之令不行氣覺其弱而身覺其憊矣水在
肝脇下支滿噎而痛支滿脇痛即懸飲之證噎而痛
者厥逆之氣隨噎上衝而作痛也水在腎心下悸邪
侮不勝直犯天君水邪之最逆者也五臟各可以有
水邪如此然五臟之邪必問之脾脾之失燥必問之

飲水津化涎沫而內液枯也
水在脾而身重脾不制水濕勝則重焉
水在肝脇支滿而噎痛者肝主人身之側滿則水積于此也少陽爲樞位居上下之中噎則氣道不通因乎支滿則痛矣
水在腎而心

胃。胃。陽。之。不。足。必。問。之。命。門。是。握。要。在。胃。而。奠。極。者。在。腎。此。水。邪。所。由。聚。散。之。大。關。也。乎。于。此。無。事。而。持。養。之。有。素。有。病。而。治。理。之。得。方。雖。偶。有。痰。飲。自。法。而。不。留。何。有。于。留。飲。有。留。飲。者。必。內。培。之。失。宜。而。醫。之。無。當。也。

夫心下有留飲其人背寒冷如掌大。

按師又爲明留飲之證。如心下有留飲其人背寒冷如掌大。心下陽分。飲之得留。陽衰可知。陽衰必惡寒。況有留飲在心下。而胸膈之間。陽氣俱不能升布矣。因之背亦惡寒。覺冷如掌大。着于背而不散。其實乃飲留于心下不散也。背爲太陽。在易爲艮止之象。一身皆動。背獨常靜。靜處陰邪常客之。所以風寒自外入。多中于背。而陰寒自內生。亦多踞于背。由于艮上之一陽衰弱無力。故艮下之一陰凝滯有象。用易之君子。見此證而不知扶陽抑陰也。不可與言易。且不可與言醫也。

學者水盛有餘心預恐其

上凌也

心為陽中之

陽其陰在背

脊第五椎心

下留飲則心

寒氣不外達

則背寒如掌

大者言冷只

在木胸所也

胸中為胃家

之上部四肢

為運土之本

未故留于斯

濕淫四末痛

必在于四肢

留飲者脇下痛引缺盆欬嗽則輒已

一作轉甚

⑤再有留飲脇下者脇下痛必引缺盆少陽之經行兩

側肝胆受邪陰寒上升掣引作痛及于肩臂也欬嗽

氣升則陽升陰寒凝滯作痛者欬嗽振動而痛暫息

亦陽微陰盛厥陰少陽之間水邪陰沍非君陽壯氣

無除邪

之治也

胸中有留飲其人短氣而渴四肢歷節痛脉沉者有留

飲

⑥又有胸中留飲者胸膈至高陽氣所聚何至留飲留

飲者陽氣不充也故其人正氣為水邪所逼迫正津

為水邪所阻格短氣而渴之證見矣且隨肺氣流注

於四肢骨節之間俱為陰寒之水邪所浸遂致歷節

難于屈伸而痛矣營衛亦為水邪所瀦流行不能暢

遂脉遂見沉矣此留飲較脇下痛引缺盆者又深且

盛俱陽漸衰。陰漸盛。氣漸不行。水漸無制之象也。右二證同爲留飲。而分深淺輕重不同如此。苟施治得法。留者尚可去。爲其顯居露處。藥力可以滌蕩之也。再久而失理。留者入而愈深。自成窩巢。盤踞居之。留飲竟爲伏飲矣。

膈上病痰。滿喘欬吐。發則寒熱。背痛腰疼。目泣自出。其人振振身瞤。劇必有伏飲。

按仲景又爲明伏飲之患。如膈上病痰。滿喘欬吐。發則寒熱。背痛腰疼。目泣自出。其人振振身瞤。必有伏飲。留飲在內。雖爲病。而病不過在飲論飲。不致肆出爲害。若久而且深。其邪根維于險阻之中。遂致變動于軀殼之內。膈上病痰。滿喘欬吐。有伏飲以爲之根蒂。其氣逆而上衝也。發則寒熱交作。邪正相搏。陰陽互爭之故也。背痛腰疼。陰盛而凝背。乃太陽所行之道路。阻碍不通。故痛疼也。目泣自出。上實下虛。爲水

諸証皆伏飲
內寒逼陽在
外之候

逆之邪逼而出也。其人振振身瞤而劇，陽虛憎寒，則振振陰氣外逼，則身瞤而劇，莫非伏飲存于中。陰邪盛于裏，遂將成無陽陰獨之證也。及此而預識之，猶可爲桑榆之收功。再延悞而浸長焉，愈不可爲矣。留伏二飲爲患如此。主治者，寧可不早辨之，脈證而急圖之乎。

夫病人飲水多，必暴喘滿。凡食少飲多，水停心下。甚者則悸，微者短氣。脈雙弦者，寒也。皆大下後裏虛，脈偏弦者，飲也。

仲景必爲詳示之。夫病人飲水多，必暴喘滿。此留飲之所由生也。其人非陽虛津衰，卽陰虛火盛也。飲之所以得留者，本以虛爲之基。是先已築留伏飲之基矣。兼以食少飲多，脾胃之正氣正陽消歇，不振可審也。水焉得不停心下乎？食少則脾濕失運也。飲多則胃熱亡津也。飲人而無救于渴，祇爲停蓄之邪而已。

心下陽分。豈水邪可停留之地。甚者必上犯心主。以水尅火于密勿之內。乃至危之機。傷寒論中已言之。其微者。亦能阻隔正氣。今氣不通順。而水邪愈能稽阻其宣導矣。雖但見短氣。而久亦爲害不淺也。其證如此。再診其脉以辨之。如脉兩手俱弦者。寒也。寒在何處。寒在中也。中卽裏也。裏陽衰而陰寒盛。此水邪留伏之本病也。其原于大下後。不爲溫補。故裏虛而易致外邪之相侵也。人身裏如城府。宮中虛無人。盜賊窺于外。狐鼠踞于內矣。再診之。偏弦者。飲也。乃飲所注而爲留爲伏之所也。此仍于仲景論積聚之脉。明其說。雙弦者。脉兩出也。彼言積在中央。可知此乃寒在中央也。彼言脉出左。積在左。脉出右。積在右。可知此飲之爲左爲右也。言雙弦之寒爲飲。本病之所原。言偏弦之飲爲飲。標病之所居。仲景之示人。可謂愷切詳明之至者矣。

肺飲不弦。但苦喘短氣。

此脉有飲而脉不弦以候在上之故候下文其脉平三字似後於需之原而沉取則沉緊此所以為支飲也

由此弦脉而論之。凡飲必弦矣。此診不弦者。迨支飲之留伏于胸膈者乎。支飲之為病。較餘三飲為甚。以其近于心肺。勢處至逼也。再由留而伏。心肺之間。支飲伏焉。寧不百怪俱見。他變雜還而至者耶。仲景言肺飲。即心肺間之支飲也。言不弦。弦脉為病。倘淺不弦。則必見沉緊。而為病至深矣。惟但苦喘短氣。似飲病之常。而其本原則至劇也。

支飲亦喘不能卧。加短氣。其脉平也。

途並支飲之脉證。而並問之。支飲之證。亦喘而兼不能卧矣。若肺飲而非伏留之支飲。則但吐涎沫。飲水而已。肺飲無短氣。而支飲則欬逆倚息。氣短並見。此支飲之留伏于心肺之間。胸膈之上。有似于肺飲。而實輕重深淺俱不同也。再辨之于脉。其脉反平。平者不弦也。若為肺飲。上以候上。焉得不浮。而弦之脉見乎。今其脉平而不弦。必浮取中取俱不弦也。然則沉取之必弦緊可審矣。仲景言其脉反平。為中取之而

辨證由脈靜
細可思

痰飲法

言也。至于沉者有留。飲之。脈早。已言之。于胸中有留。飲之。條也。可見此肺飲不弦。及支飲亦喘。二條爲支。飲之。留伏胸膈者。言其病至深重也。以見不同于肺。飲之。淺邪也。人孰能于言脈不弦。言脈平。而識先賢之奧旨哉。飲之爲證爲脈。次第言盡。而後及于治法。請先就痰飲以明之。

病痰飲者當以溫藥和之

按病痰飲者當以溫藥和之。痰生于胃。寒飲存于脾。濕溫藥者。補胃陽。燥脾土。兼擅其長之劑也。言和之。則不端事溫補。卽有行消之品。亦槩其例義于溫藥之中。方謂之和之。而不可謂之補之。益之也。蓋痰飲之邪。因虛而成。而痰亦實物。必少有開導。總不出溫藥和之四字。其法盡矣。言攻下者。固非。端言溫補者。亦不達和之二字之理也。仲景之言。一字千金。不能易者也。試論仲景次第治四飲之法。

心下有痰飲。胸脇支滿。目眩。苓桂朮甘湯主之。

茯苓桂枝白朮甘草方

茯苓

四兩

桂枝

三兩

白朮

三兩

甘草

二兩

右四味以水六升煮取三升分溫三服小便則利

按心下有痰飲胸脇支滿目眩苓桂朮甘湯主之此痰飲之在胃而痞塞阻碍及于胸脇甚至支系亦苦滿而上下氣行愈不能利清陽之氣不通眩暈隨之矣此雖痰飲之邪未嘗離胃而病氣所侵已如斯矣主之以苓桂朮甘湯燥土升陽導水補胃化痰驅飲之第一法也胃寒痰生胃緩則痰消也脾濕飲留胃燥則飲祛也可以得此方之大義用之諸飲亦無不行矣

夫短氣有微飲當從小便去之苓桂朮甘湯主之

上方見

腎氣丸亦主之

方見婦人雜病中

按即其人兼短氣之證。不端以痰飲論。而可以支飲論之。然導水之外。無治水之法也。亦主之以前方。可見支飲亦可治也。以此法又為利小便。而不傷于強迫。其小便亦為第一法也。仲景又主之以腎氣丸。以附桂入六味滋腎藥中。益火之源。以烘煖中焦之陽。使胃利于消。而脾快于運。不治水而飲自無能留伏之患。是治痰飲以升胃陽。燥脾土為第一義。而于命門加火。又為第一義之先務也。

病者。脈伏。其人欲自利。利反快。雖利心下續堅滿。此為留飲欲去故也。甘遂半夏湯主之。

甘遂半夏湯方

甘遂

大者三枚

半夏

十二枚以水一升煮取半升去滓

何云甘遂甘草性相反也

今並用者二
藥相攻飲乃
自批瀉而去
也蜜能解毒
故用之誌慎
也

芍藥 五枚

甘草 如指大一枚
炙一本作无

右四味以水二升煮取半升去滓以蜜半升和藥汁煎

取八合頓服之

是法俱本王道為治亦德禮之道齊矣若夫頑梗之徒有不率教化者何以處之仲景又出一法如病者脈伏為水邪所壅滯氣血不能通故脈反伏而不見也其人欲自利利反快水流濕而就下以下為暫洩其勢故暫安適也然旋利而心下續堅滿此水邪有根蒂以維繫之不可以順其下利之勢而為削滅也故曰此為留飲欲去故也蓋陰寒之氣立其基水飲之邪成其穴非開破導利之不可也主之以甘遂半夏湯甘遂以驅邪為義半夏以開破為功而俱兼燥土益陽之治佐以芍藥收陰甘草益胃更用蜜半升和藥汁引入陰分陰邪留伏之處而經理之八合頓服求其一洩無餘也此乃刑政之用足以匡德禮之

不逮也。况仍不失其本意乎。此仲景之治痰飲也。然凡飲之留于腸胃之間者。苟不致于別立窠穴。皆可順其勢而利之矣。

脉浮而細滑。傷飲。○脉弦數。有寒飲。冬夏難治。○脉沉而弦者。懸飲。內痛。○病懸飲者。十棗湯主之。

十棗湯方

芫花熬

甘遂

大戟

各等分

右三味。搗篩。以水一升五合。先煮肥大棗十枚。取八合。去滓。內藥末。強人服一錢匕。羸人服半錢。平旦溫服之。不下者。明日更加半錢。得快之後。糜粥自養。

④再爲明懸飲之證脉與治法脉浮而細滑傷飲脉浮而細卽弦也兼滑飲中有痰也此痰飲之脉也但在胃則不浮矣浮必不在胃也如于左右見者卽前言偏弦之脉也知非痰飲之在腸胃而爲懸飲之在脇下也又有脉弦者懸飲也兼數者挾熱也仲景何以反言寒飲飲自寒而挾者自熱也所留之飲爲陰寒之水邪水邪旣留濕上甚爲熱寒水與濕熱相攬遂成寒熱雜合之候證矣冬天寒從熱治而妨于脉數之濕熱夏天暑從寒治而妨于陰寒之水邪故言冬夏難治也仲景于治積聚中常言勿逆天和矣時令之氣與病邪原相消長也水飲亦積聚之一端復于此言冬夏難治可因之而推四時皆有難治之故又必皆有乘時易治之理矣苟非知天知人者何足以明于此哉况寒熱雜合之邪治寒妨熱治熱妨寒原

有難治之道不必定在天時主治者于此容昧乎寒因熱用熱因寒用之法乎凡病皆有寒熱雜合之邪亦皆有寒熱雜合之治獨在脇下近于厥陰少陽更爲陰陽寒熱進退往來必由之所其成寒熱雜合之

證更易。是非于二經求寒熱雜合之治。將茫然無下手處也。于何求之。誠求之于傷寒論中。少陽厥陰二篇。升降和解之義大明矣。知此難治者。庶乎未必難治也。雖傷寒論中所言者。外感而懸飲係內傷。苟能明治臟腑相連。寒熱摻和之法。而脇下之邪。自有開破之方矣。此俱仲景言懸飲在脇下之奧旨。千古無人勘破者也。遂明言懸飲之脈證。脈沉而弦者。懸飲內痛。前言浮爲懸飲在脇。今又言沉爲懸飲在脇。何也。前言脈浮。連而細滑。作一句讀。浮而細者。弦也。浮細而滑者。弦之數也。此于關部之中。取候之也。卽所言寒熱雜合之水邪在脇下也。此言沉而弦者。沉取亦見弦也。飲之根繫于脇下少深者也。此于關部之沉取候之也。推之前言肺飲不弦。乃于寸部中浮取不弦也。肺飲于寸候之。浮取應弦不弦。則無飲。然却有飲。是浮取不得。中取沉取必得也。故知其非肺飲而爲支飲也。今懸飲之脈。浮取浮細。中取細滑者。一診法也。中取細滑。沉取沉弦者。又一診法也。俱就懸飲之邪。結有淺深。故脈之浮中沉三候。分應之也。沉

取既弦。則邪之深伏脇下。必欬唾引痛。前已言之。可知此脉三條。但爲懸飲言診法也。遂出懸飲治法一則。病懸飲者。十棗湯主之。懸飲之在脇下。自成一巢穴。如孤軍獨立。非單刀直入之將。入虎穴而求虎子。不足以破其險阻也。芫花甘遂大戟。喘主逐水去濕。直達水飲窠囊之處。取效甚捷。和以棗肉。令不傷胃。治水之端劑。正所以攻脇下屈曲之邪。至當不易也。服法斟酌。強羸人。快後養以糜粥。皆全胃氣也。此仲景治懸飲之一法。不盡者。應于傷寒論中。少陽厥陰二經求治法也。仲景已論于傷寒。故不復及。

病溢飲者。當發其汗。大青龍湯主之。○小青龍湯亦主之。

大青龍湯方

麻黃

六兩
去節

桂枝

二兩
去皮

甘草

二兩
炙

杏仁

四十箇
去皮尖

生姜

三兩

大棗

十二枚

石膏

如雞子
大碎

右七味以水九升先煮麻黃減二升去上沫內諸藥煮

取三升去滓溫服一升取微似汗汗多者溫粉粉之

小青龍湯方

麻黃

去節
三兩

芍藥

三兩

五味子

半升

乾姜

三兩

甘草

炙
三兩

細辛

三兩

桂枝

三兩
去皮

半夏

半升
湯洗

右八味以水一斗先煮麻黃減二升去上沫內諸藥煮

取三升去滓溫服一升

按溢飲之治則何如仲景言病溢飲者當發其汗大青龍湯主之飲既泛溢于四肢身體疼重非由二重可以宣導矣得汗而皮毛所出之汗無非水邪以風勝濕之義也大青龍本行水之神用以驅治水邪與雲致雨使陽無所鬱而氣暢陰無所凝而水消方解在傷寒論中已詳之矣服後忌汗多汗多則助濕溫粉粉之使皮膚乾燥又以燥勝濕之理也至小青龍之用又全以燥上除濕爲義矣大抵溢飲之證未有不兼風寒之外邪者風寒多濕少者大青龍可用也濕多而風寒少者小青龍湯可用也俱于傷寒論中備載其說主治溢飲者尤當參觀而求明焉

膈間支飲其人喘滿心下痞堅面色黧黑其脉沉緊得之數十日醫吐下之不愈水防已湯主之虛者卽愈實

者三日復發復與不愈者宜木防已湯去石膏加茯苓芒硝湯主之

木防已湯方

木防已

三兩

石膏

十二枚
雞子大

桂枝

二兩

人參

四兩

右四味以水六升煮取二升分溫再服

木防已加茯苓芒硝湯方

木防已

桂枝

各二兩

人參

芒硝

茯苓

右五味以水六升煮取二升去滓內芒硝再微煎分溫

再服微利則愈。

按支飲之治則何如。飲何以名爲支。支飲之爲證。何以獨重于別飲也。可聞其說乎。蓋支飲者。不在胸中。不在心下。不在脇下。而自立一窠穴也。窠穴在何處。其在支平。支者。臟腑維繫貫通之系絡也。在傷寒邪不結胸。又不作痞。獨成一證。謂之支結。亦此理也。此支既爲系絡。何處容飲。不知系絡亦有膜原。此飲卽以募原爲其囊橐。而瀦處其際。不惟使臟腑之正氣不能充周。且隨系絡而流注其寒濕之邪。于臟腑之間。爲害不至大乎。況其地分。卽肺所以行氣之系。脾所以輸精之絡也。此而有邪。上焦已塞。中焦已滯。焉得不欬逆。倚息。短氣。不得卧。諸證俱見乎。更將藉此系絡行氣輸精者。遂行輪水邪于周身矣。其形如腫。眞腫尙在皮膚。此如腫則在分肉之間。經絡之內矣。較之皮膚尤深而且奧也。此邪所踞。乃至要之所。所行乃至深之道。故此地飲證。爲患獨大而切。此支飲之名。所以揭出三證之後也。千古以來。言支飲支結者。

總下實指其邪之所在。何以能如經言。察其所痛。而知其應乎。今譯表出之。不知有當否。請以經絡彙編之說。質之經絡彙編云。手厥陰心包絡經。一名心主。即膻中也。總一經而各異其名耳。其形質在心下橫膈之上。豎膜之下。與橫膜相連。而黃脂裹者心也。其脂膜之外。細筋膜如絲。與心肺相連者。心包絡也。然包絡非止于心。聯絡而包之已也。其實一脂膜羅膈相聯。與脾之大絡。腹內之脂膜。遍徹腔中。統繫于脊。臟腑藉此以相聯。臟腑之氣血。即藉此以相貫。既係于脊。則臟腑與軀殼相聯。必借此。臟腑之氣血。與軀殼相灌。亦必借此。則包絡實臟腑之總司也。有名有形。所謂無形者非也。其經之脉。起于胸中。出屬心下。之包絡。由是下膈。絡于三焦之上腕中腕。其支者。自屬心包上。循胸。出脇。下腋。觀此。則支飲之邪。所寄之城。可明矣。其支飲之得名。即以其經脉之支者。又可知也。故余言之系絡。即彙編所云脂膜羅膈也。余言肺行氣之系。脾輸精之絡。即彙編所云臟腑軀殼。俱借此相通貫氣血也。復就其支脉之起于胸。下于心。

下之包絡而得支飲之名。然則支飲非客于心。包絡將奚托乎。以此知傷寒之支結亦結于此而已。此證之所以獨深而且迫也。乎支飲之窠穴既得。可以行征伐之令矣。仲景爲出治支飲之法。云膈間支飲。其人喘滿。心下痞堅。而色黧黑。其脈沉緊。得之數十日。醫吐之不愈。木防已湯主之。虛者卽愈。實者三日復發。復與不愈者。宜木防已湯去石膏加茯苓。確湯主之。言膈間而羅膈之上。脂膜之間。爲邪之所在。更可明矣。近于肺而逆。故喘滿迫于心。而滯。故痞堅。胸膈留陰濕之邪。陽氣不能敷達。故面色黧黑。寒濕之氣合飲邪伏留于上部。陽爲所鬱。故脈沉內伏。陰寒故脈沉而且緊。證脈一一相符。爲支飲無疑也。雖飲在胸膈。可以湧越。而脂膜之中。立有窠穴。非吐可盡其邪。所以不愈。主之以木防已湯。以防已除濕逐水。爲君。以石膏清熱利水爲佐。以桂枝升陽益胃。人參補氣調津。爲主治之。主治使邪去而正不傷。且使正旺而邪可自去。誠治支飲不易之法也。虛者邪氣微。可以得湯飲除而愈。實者邪氣盛。飲除之不盡。三日

後聚則復發而不愈。前方去石膏加茯苓芒硝。喘力
破堅逐水。添益勁旅。直擣深穴。破寇安良。收功可必。
前方用石膏。恐其羣陰辛溫風燥之藥。近心而心
惡熱。故用以鎮靜其君主。不致擾亂。方可勦掖庭之
賊。且濕久變其上其爲熱。亦必用辛涼以解散爲驅
逐也。不然水濕陰寒。逼處胸膈。豈滋用寒涼乎。不知
熱因寒用。有外道焉。謹表出仲景之意。使天下後世
遵信之。勿疑可矣。後方去石膏加茯苓芒硝。以其既
微復聚。則有堅定之物。留作包囊矣。芒硝鹹寒。破堅
走水。而仍遠于心惡之熱。以代石膏。恐其以堅投堅。
而不破。故以更投堅而卽破也。非仲景孰能于近心
之處用遠熱之法。治寒濕之邪。若此之神妙者乎。後
學慎勿輕言。

能讀仲景哉。

心下有支飲其人苦冒眩澤瀉湯主之

澤瀉湯方

澤瀉 五兩

白朮 二兩

右二味以水二升煮取一升分溫再服

支飲胸滿者厚朴大黃湯主之

厚朴大黃湯方

厚朴 一尺

大黃 六兩

枳實 四枚

右三味以水五升煮取二升分溫再服

支飲不得息葶藶大棗瀉肺湯主之 方見肺癰中

按仲景又言心下有支飲其人苦胃眩澤瀉湯主之心下與膈間俱支飲留伏之所愈知爲心包絡矣胃眩者風木之病不知水濕之氣逆衝而陽氣不能宣達亦能胃眩也澤瀉利水白朮燥土水土平則地寧而

天清矣。又有支飲而胸滿者。實邪也。飲有何實。飲之所停。必東痰涎。滯津結久。爲窩囊。所以爲有形之邪。以厚朴大黃湯主之。以治實邪。爲有物無殞之義也。又有支飲不得息者。卽喘息不得卧之證也。葶藶大寒瀉肺湯主之。爲喘逆上部胸膈水飲立法也。二法一並水飲痰涎而下之。一端就水飲而祛之。主治者視諦其脈。沉弦甚與不甚。其證心下堅密。不堅密。再詳察其正氣虛實。身形強羸。擇而用之。不拘于法。方可謂善道。守仲景者。

嘔家本渴。渴者爲欲解。今反不渴。心下有支飲故也。小

半夏湯主之。

千金云。小半夏加茯苓湯。

小半夏湯方

半夏 一升

生姜 半斤

右二味以水七升煮取一升半分溫再服

按又有嘔家似非飲病然嘔者多渴嘔而不渴必心下有支飲也雖其餘他病未必皆屬之飲而卽此一病則支飲必他病中之兼有者也他證爲何應詳之別求其治法至于所兼見之支飲則可以兼嘔而治之也主之以小半夏湯半夏燥土開氣生姜溫中散寒心下支飲可以愈而嘔可以止乎蓋嘔而不渴之嘔爲心下水邪逆衝開之逐之溫之散之而其邪可息也此就嘔家言之亦他證也不啻飲邪爲患而兼治之法如此可類推于無盡焉飲病啻見者啻治之兼見者兼治之務在不出仲景範圍而已矣

腹滿口舌乾燥此腸間有水氣已椒蘆黃圓主之

防已椒目葶蘆大黃圓方

防已

椒目

葶蘆

葵

大黃

各一兩

何云一九疑誤過病加

口中有津液
則津足而水
氣結矣如渴
不止則是濕
熱尚未全除
故加芒硝之
鹹寒以蕩滌
之是有兩層
意註意少混

右四味末之蜜丸如梧子大先食飲服一九日三服稍增口中有津液渴者加芒硝半兩

按又有腹滿口舌乾燥者此腸間有水氣留伏也已椒
薑黃九主之防已葶藶除邪逐水散目燥土溫中大
黃滌蕩瘀熱服法日三九仍漸增及口中有津液而
渴不止加芒硝殆為濕上甚為熱熱甚瘀而結兼有
積聚蠱結滯雜于飲邪之中為害其人壯盛有餘之治也非此則不可輕投者也

卒嘔吐心下痞膈間有水眩悸者半夏加茯苓湯主之

小半夏加茯苓湯方

半夏 一升
生薑 半斤
茯苓 三兩 一法四兩

右三味以水七升煮取一升五合分溫再服

(按)又有卒嘔吐心下痞。膈間有水。眩而悸者。此飲邪瀰浸于上下之證也。氣逆則嘔吐。氣塞則心下痞。上陽不宣。則眩。中陽不振。則眩也。此皆膈間有支飲之水邪也。主之半夏加茯苓湯于燥土除水。溫中散寒之治。倍用淡滲。使邪從小便而去。治凡飲之大法也。不止爲支飲言也。

假令瘦人臍下有悸吐涎沫而顛眩此水也五苓散主之

五苓散方

澤瀉

一兩一分

猪苓

三分去皮

茯苓

三分

白朮

三分

桂枝

二分去皮

右五味爲末白飲服方寸匕日三服多飲暖水汗出愈

按又有瘦人。臍下有悸。吐涎沫而顛眩。瘦人火盛于內者。多何以反有水邪。陽虛氣弱之甚也。臍下悸。陰寒厥逆之氣。下伏也。卽欲作奔豚之兆也。吐涎沫。陰寒水濕之氣。上逆也。腹臍間。上下盡是陰邪。而陽令不行甚矣。爲眩爲顛。陰病無疑也。主之以五苓散。導水升陽。使陰從小便宣泄。而心宇泰然矣。此以治伏留二飲。上則濡首。下則濡尾。太甚之邪也。此亦似爲支飲。切迫于心者。言治法。而凡飲邪之盛者。俱視此爲治矣。不必拘也。服法。又令多服暖水。汗出自愈。旣開鬼路。復通天門。五苓原爲表裏兩治之法也。傷寒論仲景言之詳矣。

附方

外臺茯苓飲治水中停痰宿水自吐出水後心胸間虛氣滿不能食消痰氣令能食

茯苓

人參

白朮

各三兩

枳實

二兩

橘皮

二兩半

生姜

四兩

右六味，水六升，煮取一升八合，分溫三服，如人行八九里進之。

按又附外臺茯苓飲註云：治心胸中有停痰宿水，自吐出水後，心胸間虛氣滿不能食，消痰氣令能食。蓋爲脾胃虛弱，痰飲積聚，言治也。將有痰飲，已有痰飲，及痰飲驅逐後，善調之計，俱可用也。乃用君子調元贊化之方也，以茯苓淡滲水飲爲君，人參、白朮資補其脾氣，生薑扶助其胃陽，枳實、橘皮行其積聚，日三服，徐徐調理，使胃氣旺而胃陽充，飲食日進，痰飲日消，營衛流通，肌體豐潤，王道迂徐無近功也，豈可淺近視之哉。

欬嗽

欬家其脉弦爲有水十棗湯主之

上方見

按欬嗽者因痰飲而欬嗽也。有因外感風寒而欬嗽者。所謂形寒飲冷則傷肺也。此傷風感寒之咳嗽也。有因內傷勞倦而欬嗽者。所謂陰虛內熱火刑肺金也。此虛勞之欬嗽也。于此俱無涉也。仲景命之曰欬家。端爲痰飲在內逆氣上衝之欬嗽言也。故其脉必弦。無外感家之浮。無虛勞家之數。但見弦者。知有水飲在中爲患也。主之以十棗湯使水邪有所折制。斯下注而免于上厥也。

夫有支飲家欬煩胸中痛者不卒死

仲景之意宜早治以十棗湯

至

一百日或一歲

則難治矣

宜十棗湯者

宜于百日一歲之前也。若謂日久飲深宜

十棗湯恐非聖人履霜堅冰之意

總之涵泳白文自明方見上

按

又如有支飲家欬而煩胸中痛者水飲久積膈間。臟腑之支系壅閉瘀塞血氣不得流通久必他變叢見

叠出不可救藥也。上逆故欬。濕上甚爲熱。近于心藏故煩。氣血格阻故痛。此其可驗之外證也。不卒死。非幸也。至一百日。或一歲。有可死之道也。仲景言宜十寒湯治之。旣早邪去正復。是起死回生。亦貴預計。豈懸崖可以勒馬乎。

久欬數歲。其脉弱者。可治。實大數者。死。其脉虛者。必苦胃。其人本有支飲在胸中。故也。治屬飲家。

按又有久欬數歲。飲之留伏也久矣。證之成患也深矣。診之脉弱者。久病正虛。是其常也。久病而邪亦衰。是其幸也。可以于補正氣中。寓逐水飲之法。治之徐徐可收功也。故曰可治。若夫診其脉而實。而大而數。則正虛而邪方盛。欲補其正。有妨于邪。欲攻其邪。有害於正。可決其死也。然此亦爲治之不如法者言耳。苟能遵奉仲景。以扶陽益氣爲本。以溫中散寒。清熱散邪爲斟酌。以導水于二便。宣水于發汗。爲權宜。何遽

致于必死乎。再為諦脈虛者之證。必苦胃。脈虛則氣弱。氣弱而水濕滯亂于中。清陽之氣必不能升。如物掩覆之。所以苦胃。其人本有支飲在胸中之故。顯然矣。仲景又明此治。不必問之胃家也。還屬之飲家。飲消而胃自除矣。

欬逆倚息不得卧。小青龍湯主之。方見上

青龍湯下已多。唾口燥。寸脈沉。尺脈微。手足厥逆。氣從小腹上衝胸咽。手足痺。其面翕熱如醉狀。因復下流陰股。小便難。時復冒者。與茯苓桂枝五味甘草湯。治其氣衝。

桂苓五味甘草湯方

茯苓

四兩

桂枝

四兩
去皮

甘草

三兩
炙

五味子

半升

右四味以水八升煮取三升去滓分溫三服

按

又爲申明欬逆倚息不得卧用小青龍湯後多唾口燥者辛熱之藥能散發陽氣飛越于外內不和則口燥口燥則多唾也診之寸脉沉尺脉微寸脉沉者支飲有窠囊欲去之而不能盡去也上以候上上乃陽分而陰寒之邪踞之如此其牢固上陽不振明矣尺脉微者正陽虛于下而陰寒之氣斯厥逆而上奔也下陽不振又明矣于是手足厥逆氣從小腹上衝胸咽陰寒之僭越上下全無陽令更甚明矣于是手足痺而不仁其面翕熱如醉狀下有陰寒逼越上有假熱浮游竟與少陰下真寒上假熱證無異也其氣既上衝胸咽復下流陰股任其奔驅如入無人之境周身之陽俱不充也又明矣陽不充則氣不化又有陰

寒之邪。格塞于下。小便必難。清陽之氣。不能升舉。必時復胃。皆陽亡陽盛。肆往來上下為患也。既服小青龍所以得此者。陽散于外。正氣不足以勝邪也。正氣不能勝邪。遂與之固。汚于軀殼之內。其邪抗拒不服。反欲逐滅其陽。漸至不返。見此急宜固陽。端以扶陽逐水。補氣收陰為法。足以匡小青龍之不逮矣。救小青龍之堤投。而為之再造。務期陽返于舍也。茯苓滲水。桂枝扶陽。甘草補中。五味收陰。蓋防其上衝外散。瀉于亡陽奔豚等症。故治法亦歸于扶陽抑陰為用也。

衝氣即低。而反更欬胸滿者。用桂苓五味甘草湯。去桂加乾姜細辛。以治其欬滿。

苓甘五味姜辛湯方

茯苓

四兩

甘草

乾姜

細辛

各三兩

五味子

半升

右五味以水八升煮取三升去滓溫服半升日三

服後如衝氣即低是陰抑而降矣然降而不即降反更欬胸滿者有支飲在胸膈留伏爲陰邪衝氣之東道相與結聚肆害不肯遽降心從陽也法用桂苓五味甘草湯去桂枝之辛而升舉加乾姜細辛之辛而開散則胸膈之陽大振而飲邪自不能存况敢竊隱陰寒上衝之敗類乎雖云以治其欬滿而支飲之邪亦可驥衰矣

欬滿即止而更復渴衝氣復發者以細辛乾姜爲熱藥也服之當遂渴而渴反止者爲支飲也支飲者法當冒胃者必嘔嘔者復內半夏以去其水茯苓桂枝五味甘

草湯去甘草桂枝加細辛乾姜半夏湯主之。

桂苓五味甘草去桂加乾姜細辛半夏湯方

茯苓 四兩

甘草 細辛

乾姜 各二兩

五味 半夏 各半升

右六味以水八升煮取三升去滓溫服半升日三

按然欲滿得卽止矣而更復渴衝氣又復發者何也何
景白明其理謂以乾姜細辛之熱藥用以治飲熱行
于上焦所以法當渴也此無妨于事飲去則津生津
生則渴止不須周章多事也故法當遂渴而渴乃不
久其渴反止此又何故蓋飲故也飲去何以復謂之
飲也飲必由胸膈入胃注腸下於小便宣洩也此暫
渴所以謂之飲去也或者支飲一證較他飲證獨深
有不能盡祛之邪所以渴止驗之於法當冒冒者且

此仲景之治法也即聖人慎疾之意也

必嘔。嘔者支飲不盡降洩。又必逆衝作嘔致胃也。氣無息不往來。上下而邪。即隨之升降。一定之理也。主治者見此餘邪復升而上衝。亦不必更張其治法也。加半夏之辛苦以開以散。前藥用之。可以收全功矣。水去嘔止。其人形腫者。加杏仁主之。其證應內麻黃。以

其人遂痺。故不內之。若逆而內之者。必厥。所以然者。以

其人血虛。麻黃發其陽故也。

苓甘五味加姜辛半夏杏仁湯方

茯苓

兩四

甘草

兩三

五味

兩半

乾姜

兩三

細辛

兩三

半夏

兩半

杏仁

兩半升去皮尖

右七味以水一斗煮取三升去滓溫服半升日三

④再有連服前藥。水去嘔止矣。但其人形腫者。又何故形腫者。氣浮也。卽支飲中如腫之證也。陽浮弱于外。而陰盛凝于裏也。前方加杏仁降氣爲主治。氣降而飲自行。腫自消矣。如腫之證。似四肢之溢飲。而非四肢之溢飲。乃支飲也。溢飲之水。在皮膚支飲。如腫之水。在分肉之中。經絡之內也。所以皮膚之水。可發汗。而經絡分肉之水。不可發汗也。況如腫之證。陽已外浮。陰已內盛。何可重汗之。以亡其陽。所以仲景云。其證應內麻黃。以其人遂痺。故不內之。若逆而內之。必厥。所以然者。以其人血虛。麻黃發其陽故也。其人痺者。陽不充周也。若逆而治之。其陽愈衰。必成厥逆之證。見陰盛之不宜更弱其陽也。其人血虛者。卽經絡分肉之間。隧道空虛也。雖是血虛。究爲氣弱。旣爲氣弱。卽爲陽浮。麻黃發越陽氣。愈無內固之守。何以消飲邪。行氣逆。而爲陰寒內盛之防禦哉。此所以以杏仁降氣行水于內。而且溫中理脾。不同于麻黃之治溢飲也。此仲景爲正陽顧慮者。深切也。

此條乃陽盛
之人而有存
飲者有飲不
可謂之陽盛
然火邪盛亦
謂之陽盛以
濕生熱耳故
可以大黃行

若面熱如醉此為胃熱上衝熏其面加大黃以利之

苓甘五味加姜辛半杏大黃湯方

茯苓

兩四

甘草

兩二

五味

升半

乾姜

兩三

細辛

兩三

半夏

升半

杏仁

升半

大黃

兩三

右八味以水一斗煮取三升去滓溫服半升日三

勝若其人面熱如醉此濕熱邪濁雜于肺胃故其色
見于面也面屬胃胃熱上衝熏其面而面赤發熱一
定之理也加大黃以利之熱洩而水自全滌矣濕上
甚之熱常潤雜飲邪濕熱合而為痛如脈弦數有寒
飲之證是也其法治寒熱雜合以逐水而熱清重則
十棗湯丸輕則五苓散是也下有實寒上有浮熱者
如多唾口燥而手足厥逆面翕熱如醉狀是也其治
法扶陽滲水補中收陰而熱斂桂苓五味甘草等湯

是也。辛熱藥行，飲去而胃津亦傷者，胃熱上衝，面赤發熱是也。其治法用調胃之藥于前方。胃中濁氣去，津液生而熱息。苓甘五味加姜辛半杏大黃湯是也。飲證爲寒因，而成證後不能無所挾之熱，明乎此三者，則所挾之熱虛實真假可兼理之無悞矣。仲景自敘用小青龍湯後，歷述其變證而隨證以立法，病情無方，用法亦不窮，誠神明在手，變化由心者乎。人能由此而層層推求，盡其情通其變，何病不足治乎。惜乎滯碍之意多，權宜之知少，總由于理不明，誠不格而已矣。

先渴後嘔爲水停心下，此屬飲家。小半夏茯苓湯主之。
方見

上

(按) 仲景又言先嘔後渴者，已言之。蓋嘔者水逆而渴者藥行也。乃有先渴後嘔者，何如。先渴後嘔則亦水逆也。水停心下，阻隔正氣不升，則正津不上于胸咽，故渴也。渴必飲水，水得水而愈滋其衝逆，所以先渴而

嘔有二三
痰即虛勞
耳故皆附見
而為兼病

後必嘔也。此屬飲家。當治其飲。不可以為渴家治。其
渴也。治飲則用辛燥。治渴必用寒潤。大相矛盾矣。可
不明其屬于何家。而妄理乎。主之以小半夏加茯苓
湯。無非滲水開格。溫中散寒為治也。方義已見。不復
贅矣。以上仲景就欬嗽胸滿或嘔或渴言證。歷敘其
由來至詳矣。然不過為飲家兼見之病。治飲而諸患
自息。余故首言欬嗽。不于痰飲。凡為喘滿為作渴
為嘔吐。為面熱甚至為手足厥冷。為眩冒煩悸種種
難以名言。但于飲邪識其端倪。則無不可兼理之無
難矣。明乎此。即痰亦飲家所兼見之證。況其他乎。仲
景此篇。即端以飲
病名篇也可矣。